

# *NY FANATATAVANAN'NY LEHILAHY MISAINA IRAY*

 Misaotra anao, Rahalahy Mann. Hitako fa nitondra rahalahy iray ianao. Ny Tompo hitahy anareo. "Ny zava-drehetra azo atao, minoa fotsiny." Ndao isika hivavaka.

O Andriamanitra, izany marina tokoa no fanirian'ny fonay izao hariva izao, ny hino fotsiny ihany. Raha mivory eto amin'ity tabernakla ity izahay izao hariva izao, milentika any andrefana ny masoandro, dia mivavaka izahay, Andriamanitra malala, mba Hamelanao anay hahalala hoe akaiky toy ny ahoana ilay izy ka ny masoandro koa aza dia eo am-pilentehana; eo am-pandehanana izy. Lasa lavitra ilay andro. Ary tsaroanay indray mandeha rehefa lasa lavitra ilay andro, dia nisy mpivahiny roa nanery Anao hiditra sy hijanona niaraka tamin'izy ireo. Ary tamin'izay fotoana izay no Nampahafantaranao ny Tenanao tamin'izy ireo tamin'ny alàlan'ny fanazavana Ny Teninao ary namela azy ireo hahita hoe inona no tsy maintsy iaretan'i Kristy, an'ireo zavatra rehetra ireo aloha.

<sup>2</sup> Noho izany dia mivavaka izahay, Andriamanitra, raha lasa lavitra ilay andro, mba Hidiranao ato an-tranonay ka hipetraka hiaraka aminay, ary hanazava aminay ny Teny, Tompo, mba tena ho tehirizinay am-pankasitrahana ho harena iray avy Aminao, ho fanomezana iray ao am-ponay. Enga anie izahay tsy hohoatra an'Izany mihitsy; enga anie izahay hanaja an'Izany isan'andro amin'ny fonay rehetra.

<sup>3</sup> Misaotra Anao izahay ny amin'izay Nataonao tamin'ireo any amin'ny hopitaly aninkeo maraina, sy izay Nataonao tamin'ny zanaka lahikelin-dRahalahy Capps izay nandry, saiky teo am-pahafatesana, nefo ankehitriny dia eto amin'ny mpanatrika izy izao hariva izao. Toy ny ahoana no isaoranay Anao, Ray, ny amin'ireo zavatra rehetra ireo!

<sup>4</sup> Ekeo, Tompo, ny mba hahafantaranay hoe ahoana no tokony hanomezanay Anao ny dera. Izahay fotsiny... Any ankoatry ny fahalalanay ny hahafantatra hoe ahoana no hanomezanay Anao ny dera. Saingy, Tompo, raiso ny fonay ho antoka fisaorana, fa hoe tianay Ianao. Ary rehefa izahay—izahay no te-hanao an'izay tsara, dia asehoy anay izay tokony hatao. Mangataka amin'ny Anaran'i Jesosy izahay. Amena.

Afaka mipetraka ianareo.

<sup>5</sup> Manao ahoana ho an'ity fiangonana lehibe hipoka ity izao hariva izao ary manerana ny firenena ao amin'ny telefona. Milaza izy ireo fa mifandray indray izao hariva izao.

Manantena aho fa mihaino ny vadiko. Tsy afaka niantso azy aho, noho izany hiantso azy aho aorian'ity favoriana ity.

<sup>6</sup> Ary manana naoty iray izahay eto hoe aninkeo maraina ny Rahalahy Jackson ny rah-...na ny rainy dia tao anatin'ny toerana sarotra iray, fa tena nisy fahatsarana iray niseho, afaka hody any an-trano izy rahampitso.

<sup>7</sup> Ny zanaka lahikelin-dRahalahy Capps, izay niantsoany ahy indray hariva, tsy fantatro na ato amin'ny mpanatrika Rahalahy Capps na tsia, fa, ary tena narary ny zanany lahikely.

Ary izaho sy Joseph dia sendra tany amin'ilay-ilay toeram-pitifirana, nanao an'ilay basy keliko roapolo sy roa ho vonona. Efa nolazaiko anareo ny rehetra mikasika an'izany tamin'ny herinandro lasa. Ary ho lasa tena mpitifitra iray tokoa izy. Ary noho izany dia te-hahazo antoka izy ka hiteny amin'i Gary sy Larry an'izay nataony. Ary niteny tamiko izy, rehefa niverina... Hoy aho hoe, "Tokony hijanona ianao ka-ka hiteny amin-dRahalahy Gene Norman mikasika an'ilay izy."

Hoy izy hoe, "Hijanona ary hiteny amin'i Billy aloha," ny rahalahiny.

Rehefa avy nasehony taminy ireo tifitra tsara vitany, dia hoy izy hoe, "Ankehitriny mipetraha tsara." Hitanareo?

<sup>8</sup> Ary vao tonga tany mihitsy izahay, nahoana, dia naneno ny telefona, ary nihazakazaka i Billy niditra mba hanontany... Hoy aho hoe, "Mety ho antson'ny marary iray izany ankehitriny." Ary vao tonga mihitsy izahay, ary Rahalahy Capps ilay izy. Fa tratry ny peritonita ilay zazalahy kely, ary tena alok'anjara kely iray mba ho velona. Fa nanasitrana azy ny Tompo. Ary indray hariva dia voalaza fa njaly tamin'ny karazana fanaintainana izy, Rtoa. Wood no niteny tamiko. Ary niainga haingana izahay, ka izaho fotsiny... Hoy aho hoe, "Rtoa. Wood, efa tena tara ankehitriny, amin'ny folo ora, misalasala aho hoe hamela ahy hiditra ao amin'ny hopitaly any izy ireo." Hoy aho hoe, "Handeha ho any an-trano aho ka hanidy ny varavarana fotsiny." Dia nandeha aho ary nivavaka. Ary izy ireo no milaza fa ato amin'ny mpanatrika ilay zazalahy kely izao hariva izao. Noho izany dia tena feno fisaorana isika ny amin'izany. Ary mankasitraka isika.

<sup>9</sup> Ankehitriny dia manohy mihazona izahay; tsy mbola nandre izahay. Raha mihaino Rahalahy Leo Mercier sy Ranabavy Mercier, izahay dia tsy mbola nandre mikasika ny rainareo. Manantena ny handre izahay afaka kelikely, manao ahoana izy. Fa saiky manana antoka aho fa ho tena tsara izy, noho izany dia atolotray ho an'Andriamanitra

Tsitoha izany, mba Andriamanitra no hikarakara an'io lehilahy malala, antitra masina io, mpitoriteny mpiady tranainy an'ny Filazantsara.

<sup>10</sup> Ankehitriny, oh, misy zavatra marobe izay mila ho vitaina, ary tena fohy ny fotoana hanaovana azy, noho izany dia tsy maintsy apetratsika mihitsy ny fiezhantsika rehetra ankehitriny ao amin'izay azontsika atao ho an'ny Tompontsika.

<sup>11</sup> Tonga aloha kely aho. Ary izaho—izaho tsy dia mahatsapa ho tena tsara loatra. Reraka aho, tena reraka mihitsy, ary nandrinandry aho aninkeo tolakandro. Tsy mbola mihitsy... Tsy mbola nihinana ny sakafotra akory aza aho. Noho izany aho—tonga aho, nandrinandry fotsiny ny tolak'andro manontolo. Narary aho, noho izany dia nandry teo. Ary avy eo nandeha nivavaka, ka nahatsapa ho tsaratsara kokoa. Dia nitsangana aho, nanao ny akanjoko, ary tonga eto am-piangonana.

<sup>12</sup> Noho izany isika—isika dia matoky ny Tompo Jesosy ankehitriny mba Hitahiany ny fiezhantsika miaraka izao hariva izao, satria manerana ny firenena dia miezaka isika ny hifandray amin'ity ampanahan'ny Vatan'i Kristy ity, izay nanomezana ahy zò hamahana ny Ondriny. Ka hanao fotsiny an'izay tena tsara indrindra amin'ny fahalalako aho, amin'ny fanomezana ny Sakafo marina izay fantatro ho an'ilay ondry.

Ary miandry am-pitebitebena an'ilay ora izay hahafahantsika rehetra miangona ao amin'ny toerana anankiray aho ka hitory eo amin'ireo Loza Fito ireo, sy ireo Lovie Fito, ary ireo Trompetra, sy ny sisa. Izy rehetra ireo dia mitranga ao amin'ny fehezana iray mihitsy. Izany no antony hilàñ'izany eo amin'ny herinandro iray eo, folo andro na mihoatra, mba hahavitana azy ao anatin'ny favoriana tokana iray, raha vitantsika. Heveriko fa tena ampy izany.

<sup>13</sup> Ankehitriny, maro aminareo no mandeha lavitra. Mijery eto aho, ary nahamarika fotsiny, vao teo, an'ireo vahoaka any Tucson. Rtoea. Sothmann, hitako fa tonga tsara mihitsy Rahalahy Fred. Nahita azy tao amin'ny mpanatrika aho aninkeo maraina. Ary heveriko fa itsy Rahalahy Don Ruddell mipetraka eo akaikiny iry aoriana iry, izao hariva izao. Faly aho mahita an-dRahalahy Don ato. Ary Junior, ato ve i Junior, sa any amin'ny fiangonany izy? Heveriko fa ao amin'ny telefona any amin'ny fiangonana izy ireo izao hariva izao.

Noho izany, ianareo rahalahy rehetra, tena faly izahay fa miaraka aminay eto ianareo izao hariva izao, ary matoky ny Tompo fa indray andro any isika, rehefa tapitra ny androm-piainana ka manomboka miha-mihena ny jiro kelin'ny fiainantsika mety maty ary lasa, dia tsy hatahotra ny ratsy isika, satria eo am-piampitana an'ilay—ilay...

<sup>14</sup> Vao avy naharay tatitra iray aho ho anareo, any—any... any Arizona, any Prescott. Efa nivoaka ny hopitaly Rahalahy

Coggins. Noho izany dia tena feno fisaorana isika ny amin'izany. Tsara. Tsara izany. Noho izany tena mankasitraka isika ny amin'izany. Ranabavy Mercier, efa tena tsara ny dadanao ankehitriny. Tsapako mihitsy, rehefa avy nivavaka isika, fa ho tena tsara izy. Noho izany mety mihaino izy ireo; manantena aho fa mihaino izy ireo; ary heveriko fa mihaino izy ireo. Noho izany tena mankasitraka isika ny amin'izany, fa ny rahalahintsika dia—dia tena tsara ankehitriny, ary ho tena tsara. Noho izany misaotra ny Tompo isika ny amin'ireo zavatra rehetra ireo.

<sup>15</sup> Nahazo fangatahana iray aho omaly hariva; rahalahy malala iray eto, ataoko fa mety tsy miaraka amintsika izy androany. Rahalahy iray avy any Kentucky, no niantso ahy mikasika ny zananivavy. Fianakaviana maha-te-ho tia, ary ilay—ilay zazavavy dia tsy maintsy ho didiana, reny tanora iray miaraka amin'ny homamiadana ao amin'ny lamosina. Noho izany isika—isika dia mivavaka mba hanafahan'Andriamanitra an'io vehivavy tanora io. Mino aho fa hanao Izy, raha isika fotsiny no... .

Ny fiangonana, isika rehetra miaraka, dia mifandray ary mivavaka ho an'ireo olona ireo, miaraka daholo. Izany no tsy maintsy hataontsika, amin'ny maha-antoko iray. Satria... .

<sup>16</sup> Ary satria ireo andro dia miha-manakaiky sy manakaiky, sy ny fahateren'ilay lèlana, isika—isika dia te-hiaraka hifanakaiky. Oadray, tsy maintsy ho anankiray mihitsy isika, vatana anankiray. Tsy maintsy miara-mandeha isika, manadino ny otan'ny hafa sy ireo fahasamihafantsika, ka miraikitra mifanakaiky sy mifanakaiky ary mifanakaiky, satria hitantsika fa manatona ilay Andro. Manakambana ny tenantsika miaraka, ny rehetra amin'ny saina iray sy fo iray. Ary raha misy rahalahy, anabavy mivoaka amin'ny lèlana, amin'ny fomba rehetra, dia aza manao na inona na inona afa-tsy ny mivavaka ho an'izany olona izany, ary amin'ny fitiavana, mifanaja foana. Aza—aza mamela ny anankiray aminareo ho lasa. Mijanòna miaraka. Ary, raha vitanareo, dia manampia betsaka amin'izany, tsy ankitsahatra, isan'andro.

<sup>17</sup> Rahalahy Neville, voaraiko ny fangatahanao eto mikasika an-dRahalahy Wright, Rahalahy George Wright mipetraka eto. Faly isika fa Rahalahy Wright sy Ranabavy Wright, eto... . Edith kely, izaho... . Indray andro any rehefa tonga izahay, dia te-hanao fivoriana fahatsiarovana kely eto.

Tsy nahatratra an'i Edith aho sy tamin'ny nandehanany. Fa, Ranabavy Wright, tsaroanao ilay nofy izay azony teo amin'ny taona vitsy lasa izay. Ary niteny taminao aho tamin'izany, hoy aho hoe, "Izany dia, tsy hijanona ela loatra hiaraka amintsika intsony i Edith kely ankehitriny," satria ny Tompo no efa niteny fa handeha izy, tamin'ny alàlan'io nofy izay azony io. Ary azoko ny dikan'ilay izy, dia, hoe izy

dia handeha hihaona amin'Andriamanitra. Teo amin'ny roa taona taty aoriana, dia lasa nihaona tamin'Andriamanitra izy. Ankehitriny miandry ny papany sy ny mamany hiampita an'ilay tsipika mampisaraka izy, eo anelanelan'ny mety maty sy ny tsy mety maty.

<sup>18</sup> Andriamanitra hitahy anareo. Te-hiezaka aho ny hahita anareo izao ankehitriny izao, raha mety ho vitako mihitsy. Noho izany dia homba anareo sy Shelby anie Andriamanitra, ary ny olona rehetra. Nihevitra aho fa nahita an'i Shelby aninkeo maraina; tsy azoko antoka.

Tsy afaka mahita tsara ianareo eto ambony eto; ambany tahaka an'izao ilay valin-drihana, ary izany dia mandefa ny—ny hazavana iray tahaka an'izany. Afaka mahita an'ireo pentina ianareo, fa tsy afaka mahita tsara mihitsy an'ireo olona.

<sup>19</sup> Ankehitriny ao amin'ny Hafatra avy hatrany. Ity dia Hafatra iray izay tiako hamakiana avy ao amin'ny Nomery 19:9 sy Efesiana 5:26. Ary raha ianareo olona izay mitàna an-tsortra ny lahateny, sy ny sisa, nahoana, afaka mandray naoty an'izany ianareo.

<sup>20</sup> Ary tsarovy ankehitriny, raha raisim-peo ity...Tsy fantattro. Tsy mety mahita olona iray aho. Eny, izaho dia, izaho dia mahita an-dRahalahy Terry ao amin'ny—ao amin'ny efitra fandraisam-peo. Ary raha raisim-peo ity; ho an'ny mpitoriteny rehetra any amin'ny toerana rehetra, amin'ny fotoana rehetra, ity dia tsy natao ho tsi-fanajana ny fampianaranareo, ity dia tsy natao akory aza ho an'ny ondrinareo. Ity Hafatra ity, sy ireo Hafatra hafa rehetra izay resahako, dia natao ho an'ny fiangonako. Tsy ho an'ny fiangonanareo Izany raha tsy hoe izy ireo no te-handray Azy. Fa natao ho an'ity vahoaka eto ity Izany.

<sup>21</sup> Mividy an'ireo horonam-peo ireo ny olona. Ny olona manerana an'izao tontolo izao no mividy azy ireny ary mandefa azy. Matetika izy ireo no manoratra. Ary manoro foana azy ireo aho, raha mambran'ny fiangonana iray izy ireo hoe, "Jereo ny pasiteranareo."

<sup>22</sup> Ankehitriny, ry pasitera, tiako ho fantatrareo izany, hoe, ity dia ho an'ny fiangonako irery ihany no hiresahako an'ireto zavatra ireto. Ary manana zò hanao an'izany aho, satria izaho no napetraky ny Fanahy Masina hiambina an'ireo ondry ireo. Ary lozako raha tsy miteny amin'izy ireo an'izay heveriko fa ny Fahamarinana aho, sy ny fomba izay heveriko fa Hahatongavany. Fa tsy ho an'izao tontolo izao na ny sisa amin'ireo fiangonana Izany. Ataovy izay lazain'Andriamanitra aminareo fa hatao. Tsy afaka hamaly ho anareo aho, na ianareo afaka hamaly ho ahy. Fa isika no tsy maintsy hamaly tsirairay eo anatrehan'Andriamanitra, ho an'ny asam-panompoantsika. Noho izany, raha tsy maintsy hamaly ho an'ny asam-panompoako aho, dia tsy maintsy mitory

an'Izany amin'ny fomba izay ahitako Azy, amin'ny fomba izay nanambarana Azy tamiko. Noho izany dia aoka ho fantatra izany ankehitriny.

<sup>23</sup> Ankehitriny ao amin'ny Nomery 19:9, tiantsika ny hamaky an'ity lahateny ity, na ity Soratra ity, raha ny marina.

*Ary ny lehilahy madio iray no hanangona ny lavenon'ny vatotra ombivavy, ary dia hametraka azy ireo any ivelan'ny toby ao amin'ny toerana madio iray, ka ho tehirizina ho an'ny fiangonana izany...(diniho ankehitriny) ho an'ny fiangonan'ny zanak'Isiraelly ho ranon'ny fampisarahana: izany no fanadiovana ny fahotana.*

<sup>24</sup> Mariho, tsy ho an'ny olona rehetra, “ho an'ny fiangonan'ny zanak'Isiraelly; ireo ranon'ny fampisarahana.”

Ankehitriny ao amin'ny Efesiana, ny toko faha-5, ary manomboka amin'ny andininy faha-22.

*Ry vehivavy, ampanekeo ny vadinareo manokana ny tenanareo, tahaka ny anekena ny Tompo.*

*Satria ny lahy no lohan'ny vavy, tahaka an'i Kristy koa izay lohan'ny fiangonana: ary izy no mpamony ny vatana.*

*Noho izany tahaka ny fiangonana ao amin'ny fanekena an'i Kristy, dia aoka ho toy izany koa no haneken'ireo vehivavy ny vadiny manokana amin'ny zavatra rehetra.*

*Ry lehilahy, tiavo ny vadinareo, tahaka ny nitiavan'i Kristy ny fiangonana ihany koa, ka nanolorany ny tenany ho azy;*

Ankehitriny dia inty no tiako ho lazaina ankehitriny.

*Mba hanamasinany sy hanadiovany azy amin'ny fanasan'ny rano amin'ny teny,*

<sup>25</sup> Ankehitriny, ity lahateny kely ity izao hariva izao, raha hiantso azy ho lahateny iray aho. Ary matoky aho fa ny olona eto, sy ny ao amin'ny fifandraisana an-telefona koa, dia tsy handray an'izao na hihevitra fa natao fanahy iniana ao amin'ny fomba fanimbazimbana iray izao. Na dia, ny maka lahateny kely tahaka an'izao aza, dia mety ho toy ny fanimbazimbana. Ny lohahevitra izay hampiasaiko amin'izao hariva izao dia: *Ny Fanatatavanana'Ny Lehilahy Misaina Iray.* Toa tena lalina izany ho an'ny lohahevitra iray, ho an'ny mpitoriteny iray izay tena manohitra ny fifohana, handray lahateny iray tahaka an'izany, *Ny Fanatatavanana'Ny Lehilahy Misaina Iray.* Izany dia niseho, io, tamin'ny indray maraina izay nihazako vontsira.

<sup>26</sup> Raha ianareo olona ao amin'ny—ao amin'ny radio, amin'ny fandefasam-peo, na ny onjan-telefona, no afaka mahita

an'ilay fanehoana eo amin'ny tarehin'ity fiangonana ity rehefa nilaza ny lahateniko aho, dia hihomehy an'izany ianareo. *Ny Fanatatavanan'Ny Lehilahy Misaina Iray.*

<sup>27</sup> Eny, izany rehetra izany dia nitranga tany amin'izay nisehoan'ireo Anjelin'ny Tompo tamiko indray maraina, sy nitenenana an'ireo vontsira ho amin'ny fisiana. Ianareo rehetra dia mahatsiaro hoe oviana no niseho izany. Ary, izao koa, teo an-tampon'ilay havoana izay nitsanganako mihitsy, dia teo...talohan'ny nitoriana an'ireo Taona Fiton'ny Fianganana mihitsy, nandeha nihaza aho indray maraina talohan'ny misandratr'andro. Nitsangana teo... Nihevitra aho fa hiposaka ny masoandro, teo amin'ny efatra ora maraina teo. Tsy nahazatra; hitako io Hazavana io, ary nitodika aho, ka nitsangana teo ireo Fanaovan-jiro Volamena Fito nijoro teo an-tampon'ilay havoana, toy ny avana iray izay niakatra tamin'ny alàlan'ny fantsona dia niha-levona.

<sup>28</sup> Taorian'izany avy hatrany, dia niseho taminay ny Tompo Jesosy. Ary tamin'izay fotoana izay mihitsy dia nandre Feo iray aho izay nanao hoe, "Ny Jehovah-n'ny Testamenta Taloha no Jesosin'ny Vaovao." Ary teo Izzy, afaka kelikely, nanambara taorian'ireo Fanaovan-jiro Volamena Fito ireo. Koa mariho izany. Firy no mahatsiaro an'ilay lahateny? Nosoratako tao ambadiky ny—ny boatin'ny—ny fitoeram-bala izay nananako tao anatin'ny paosiko izany. "Jehovah-n'ny Testamenta Taloha no Jesosin'ny Vaovao." Andriamanitra any An-danitra no mahafantatra fa marina izany.

<sup>29</sup> Rehefa nitety an'ilay toerana izay Nisehoany tamiko taty aoriana kely aho, mikasika an'ireo vontsira.

<sup>30</sup> Avy eo rehefa niantso an'ilay sakaizako tsara aho, Jack Moore, volana vitsy taty aoriana, mba hanontany; rehefa nanomboka nitory an'ireo Taona Fiton'ny Fianganana aho, Apokalypsy 1. Ary nitsangana Izzy, fotsy tanteraka; ny Volony dia toy ny volon'ondry. Ahoana Izzy, izay vao telo amby telopolo taona, nefä dia fotsy tanteraka? Ary Rahalahy Moore, tena Kristiana tsara iray, voakolokolo, tsara fanahy, ary nianatra iray, iray amin'ny tsara indrindra izay fantatro; dia hoy izy hoe, "Rahalahy Branham, izany no Jesosy taorian'ny Toerany nomena voninahitra. Tahak'izany Izzy ankehitriny." Saingy tsy nanao feon-dakolosy iray ho ahy izany. Dia nanohy nivavaka aho hany ka indray andro...

<sup>31</sup> Talohan'ny nanombohako an'ireo Taona Fiton'ny Fianganana, tsy nety azoko mahitsy tsara io toko 1 io. Ahoana no nahafahan'ny Lehilahy iray, telo amby telopolo taona, nitsangana tamin'io vatana iray io ihany ka nahafantaran'ireo apostoly Azy, nahafantatra fa Izzy io; ary ahoana no Nahafahany ho be taona, angamba valopolo

na sivifolo taona, niaraka tamin'ny volon'ondry fotsy lehibe teo amin'ny Tavany, sy ny Volombavany fotsy toy ny oram-panala?

<sup>32</sup> Efa namaky aho tao amin'ny Bokin'ny... an'i Daniela, rehefa tonga teo amin'ilay "Fahagola, ny Volony dia fotsy toy ny volon'ondry." Avy eo hitako io Fahagola io. Izy io Fahagola io, ilay tsy miova omaly, anio, ary mandrakizay. Hitanareo, mari-pamantarana iray izany, tamin'izany fotoana izany.

Nahoana no volon'ondry fotsy? Ary avy eo aho... Toy ny hoe niteny tamiko mikasika ny sary iray izay hitako indray mandeha ny Fanahy Masina, ny amin'ny mpitsara fahiny iray. Tamin'izay fotoana izay dia nandeha tao amin'ny tantara aho; niverina tao amin'ny tantaran'ny Baiboly sy ny sisa, mba hahita. Ary ireo mpitsara fahiny ireo, tahaka ny mpisoronabe tao Israely, izy dia tsy maintsy manana an'io volo fotsy io, fotsy toy ny volon'ondry sy volombava, satria ny fotsy teo aminy dia midika fa izy no fahefana faratampony amin'ireo mpitsara tao Israely.

Ary na dia amin'izao andro izao aza, ary tany amin'ny an-jato taona vitsy lasa izay, angamba an-jato taona vitsivitsy lasa izay, na angamba tsy tahaka an'izany, latsaka kely noho izany. Ireo mpitsara Anglisy rehetra, tsy mampaninona na tanora toy ny ahoana aza izy ireo na antitra toy ny ahoana aza, rehefa nandeha tao amin'ny fitsarana izy ireo, dia nanao solovolo fotsy; ary mba hanehoana fa tsy misy fahefana hafa teo, tao amin'io fanjakana io, ambonin'ny tenin'izy ireo. Ny tenin'izy ireo no fara-teny ho an'ilay fanjakana. Izay lazain'izy ireo, dia izay ihany ny amin'izany.

<sup>33</sup> Ary ankehitriny, tamin'izay fotoana izay, dia hitako izany. Teo Izy nitsangana teo, na dia mbola Lehilahy tanora iray aza, nefà nanao solovolo fotsy. Izy no Fahefana feno, faratampony. Izy no Teny. Ary Izy dia nanana, nanao an'ilay solovolo fotsy.

<sup>34</sup> Avy eo, taty aoriana rehefa nahavita isika, sy ilay—ilay toriteny, dia nandeha tany andrefana aho, ary rehefa niseho tany ireo Anjelin'ny Tompo ho an'ireo Tombokase Fito, ka niakatra tany amin'ny habakabaka izany (fa manana ny sarin'izany isika eto, ary manerana ny firenena), dia nitsangana teo Izy, mbola nanao an'ilay solovolo niaraka tamin'io fahefana faratampony io foana. Izy no Lohan'ny Fiagonana. Izy no Lohan'ny Vatana. Tsy misy tahaka Azy, na aiza na aiza. "Izy no nanao ny zavatra rehetra tamin'ny alalan'ny Tenany. Izy no nanao ny zavatra rehetra ho an'ny Tenany, ary raha tsy Izy dia tsy nisy na inona na inona natao." "Izy no manana ny fahefana rehetra any An-danitra sy ety an-tany," ary Azy ny zavatra rehetra. "Ary ao Aminy no itoeran'ny fahafenoan'ny Maha-Andriamanitra ara-batana." "Ary ny Teny dia Andriamanitra, ka tonga

nofo teo anivontsika.” Ary Izy no Tokana Izay nanambara ny tsiambaratelo rehetra an’ny drafity ny famonjena manontolo, izay nolazain’ireo mpaminany sy olon-kendry rehetra. Izy irery io Anankiray izay nanao solovolo sy Fahefana faratampony io.

<sup>35</sup> Ankehitriny, nijanona aho, teo amin’ilay havoana indray maraina, toy ny hoe nisy vontsira vitsivitsy nandalo teo. Dia nanomboka nipetraka aho. Ary fotoana fohy fotsiny aho no teo, dia, nikarantsana teo akaikiko ireo kirihitra, ary lehilahy goavana be niaraka tamin’ny karazana basy roa vava iray no nandeha nandalo teo amin’ireo kirihitra teo, ary toy ny nampahatahotra ahy mafy. Lasa aho, niondrika; natahotra ny hihetsika aho, natahotra sao hitifitra ahy izy. Ary nihetsika ireo kirihitra, hany ka tena nipetraka tsara fotsiny aho.

<sup>36</sup> Nanomboka niakatra an’ilay havoana ny vontsira iray, ka nararany taminy ireo vanja tamin’ny vavany roa. Ary noho izany dia tsy azony izy, ary noho izany lasa nidina ny havoana ilay vontsira. Nieritreritra aho hoe, “Ankehitriny handositra aho; manako ny feo rehetra. Lany fahana ny basiny.”

Dia nanomboka nidina an’ilay havoana aho, ary nisy zalahy iray nitifitra teo anoloako mihitsy. Nampiverina ahy tamin’ity lèlana ity izany. Dia nanomboka teo aho, mba hidina amin’ny lèlana hafa iray, ary nanomboka ny .22 rifle iray, ary nimonomonona teo amboniko ireo bala. Hoy aho hoe, “Hono ho’aho, ao amin’ny toerana ratsy iray no misy ahy.”

<sup>37</sup> Noho izany nihodina aho ary nandeha nankany amin’ilay renirano. Dia nieritreritra aho hoe, “Hidina eto aho ary hiafina mandra-pahavitan’izy ireo, mba hahafahako hivoaka.” Ary teny amin’ilay lèlana, dia sendra voatarika... Voatarika hijery taty amin’ny ilako havanana ny fifantohako. Ary, raha njery aho, dia nipetraka teo ny fonosan-tsigara foana iray izay natsipin’ny iray tamin’izy ireo, tao amin’ilay fihazakazahan’ny... rehefa nandalo teo amin’ny kirihitra ireo vontsira.

<sup>38</sup> Dia nalaiko io fonosan-tsigara iray io, ary nojereko... Tsy nalaiko mihitsy ilay izy; miala tsiny aminareo aho. Nojereko ilay izy. Tsy nalaiko ilay izy, satria tsy tiako ny fofon’ireo zavatra ireo, eo am-piandohana. Dia njery teo aho, ary izany dia-dia orinasan’ny paraky iray izay ataoko fa tsy tokony hiteny ny anarany aho, fa ianareo no hahfantatra. Izao no voalaza teo amboniny teo hoe, “Ny fanatatavanan’ny lehilahy misaina iray sy ny tsiron’ny lehilahy iray mifoka.”

Nijery an’ilay zavatra aho, dia nieritreritra aho hoe, “Ny fanatatavanan’ny lehilahy misaina iray?” Nieritreritra aho hoe, “Raha afaka misaina mihitsy ny lehilahy, dia tsy ho nifoka mihitsy izy. Ahoana no hampety an’ity ho ‘fanatatavanan’ny lehilahy misaina iray?’ Ny lehilahy misaina iray dia tsy hifoka mihitsy.” Eny àry.

<sup>39</sup> Ankehitriny, nieritreritra aho hoe, “Mamitaka toy ny ahoana ity!” Ankehitriny, ireo orinasan’ny paraky ireo dia natao ho Amerikana. Ary oh, raha mivelona amin’ny fitsipika antsika isika, dia ho niasa hifanampy, raha manana fihetseham-po iray ho an’ny hafa isika. Ary mpihatsaravelatsihy toy ny ahoana! Ny antony tsy iantsoako mihitsy ny anaran’ilay orinasa, dia tsy maintsy hiteny zavatra ratsy mikasika azy ireo aho. Ary ahoana no ahafahan’ny olona ho mpihatsaravelatsihy, hahazoana vola?

<sup>40</sup> Ny lehilahy misaina iray dia tsy hifoka mihitsy. Saingy ahoana fa lavo amin’izany ny vahoaka Amerikana; mihevitra izy ireo fa mahafinaritra izany!

<sup>41</sup> Ankehitriny jereo, ianareo dia tsy afaka, ianareo dia tsy afaka... Anontanio ny olona iray, ireo siantifika, ianareo dia... Tsy afaka hifoka ianareo ka tsy mahazo godorao. Raha misy pentina setroka kely iray mandalo, dia godorao izany. Ary raha tsy manana setroka ianareo, eny, dia tsy manana godorao, ary tsy manana na inona na inona ianareo. Misintona tapa-kazo mafy iray fotsiny ianareo. Fa raha mbola manana setroka mihitsy ianareo, dia mampiditra homamiadana, nikotina.

<sup>42</sup> Raha niaraka tamiko ianareo tamin’ny taon-dassa, na ny taona talohan’ny farany, mino aho fa izany ilay izy, tao amin’ny Foara Maneran-tany, rehefa tao amin’ny fampisehoana tany i Yul Brynner sy izy rehetra, dia ho hitanareo izy ireo naka an’ilay sigara, nametraka an’izany tao anatin’ny zavatra iray, ary nametraka azy teo amin’ny vatoftsy iray. Fa nalain’ilay dokotera ny landihazo iray, nampandaloviny teo dia nahazo nikotina avy tamin’izany, ka napetrany teo ambonin’ny lamosin’ny voalavo fotsy iray, dia nametraka azy tao anatin’ny tranom-biby iray. Ary isaky ny fito andro dia nalain’izy ireo izy. Ary tena feno homamiadana ilay voalavo hany ka tsy afaka nandeha izy, noho ilay nikotina avy tamin’ny sigara anankiray.

<sup>43</sup> Avy eo dia hoy izy hoe, “Fantatrareo, milaza izy ireo fa afaka mampandalo an’izany amin’ny fanatatavanana iray ianareo.” Hoy izy hoe, “Tsy afaka mahazo fanatatavanana iray ianareo... Ny fanatatavanana rehetra izay hanala nikotina, dia manala an’ilay setroka,” hoy izy, “satria tsy maintsy mahazo setroka ianareo... mahazo godorao mba hanao an’ilay setroka, ary izany no godorao izay manome ny homamiadana.”

<sup>44</sup> Ary avy eo dia lasa izy, nampandalo an’ilay izy tamin’ny rano, ka nanao hoe, “Indraindray mihevitra ianareo fa afaka manatatavana an’izany eo.” Hoy izy, “Isan’andro, izany, tsy mampaninona izay isintonanareo azy.” Hoy izy, “Izy ireo dia milaza hoe, ‘Tsy misintona azy aho,’ avy eo mametraka azy ao amin’ny vavany ary mamoaka azy.” Avy eo dia nalainy izany ka nahodiny, ary napetrany teo ambanin’ny

zavatra anankiray teo, ka nasehony fa mbola homamiadana foana izany. Inona no ataonareo? Mitelina an'ilay izy avy hatrany mankany amin'ny tendanareo. Hitanareo? Ary tsy mampaninona izay ataonareo, mbola fahafatesana foana izany. Hitanareo?

<sup>45</sup> Ary avy eo dia ny mihevitra fa hamitaka olona betsaka io orinasa io, na miezaka hamitaka ny vahoakany manokana. Tahaka ny voltora iray mivelona amin'ny azy izany, ny karazany manokana. Fahazoam-bola, mivarotra fahafatesana amin'ilay—ilay firenena, sy amin'ny lehilahy tanora. Ary handeha eo amin'ilay sahan'ady ka maty ho azy ireo, avy eo dia mihodina ka mivarotra karazan-javatra tahaka an'izany, eo ambanin'ny antony sandoka iray hoe, "Ny fanatatavanan'ny lehilahy misaina iray, saingy ny tsiron'ny lehilahy iray mifoka." Tsy maintsy mivoaka ianareo mba hahazo an'ilay tsiro. "Ny tsiron'ny lehilahy iray mifoka."

<sup>46</sup> Toy ny ahoana no mahalavo ny olona amin'izany, na izany aza! Maka an'izany izy ireo. Ankehitriny, izany dia hamitahana anareo betsaka fotsiny ihany. Hitanareo, avy amin'ny devoly izany. Tsy miahy ny fiainanareo izy ireo. Tsy manana fihetseham-po aminareo izy ireo. Mivarotra an'io karazan-javatra io mba hijerena anareo ho faty fotsiny, raha mbola mahazo vola foana izy ireo.

<sup>47</sup> Tahaka ny politika sy ny ady. Tsy mino ny ady aho. Tsy mino aho hoe tsy maintsy nanana ady iray hatrany isika rehetra.

Mino an'ilay Fanjakana lehibe izay ho entin'Andriamanitra aho, ilay fandrosoana lehibe izay ho entina eo ambanin'ny Fanapahany lehibe Manokana; tsy hisy ady hafa iray intsony. Tsy hisy firenena hanalinga lefona hanohitra firenena intsony. Hiadana izy rehetra, fiadanana Mandrakizay.

<sup>48</sup> Noho izany dia ity karazana fandrosoana iray ity no mitondra ady. Ary arakaraky ny mampandroso betsaka antsika, eo ambanin'ity, no ananantsika ady betsaka. Ny anankiray miezaka ny handroso kokoa noho ilay iray hafa, ary arakaraky ny mampandroso betsaka no manao ady betsaka. Hitanareo?

<sup>49</sup> Ary jereo hoe inona, eo ambanin'ity fandrosoana ity, fa hamoaka karazan-javatra iray tahaka an'ity ny olona iray. Ka ny zavatra tokana ataony, dia mamitaka anareo fotsiny mba hanao anareo hividy sigara betsaka. Satria raha mifoka sigara ny olona iray... Ary mino aho fa avy amin'ny devoly izany, ary misy devolin'ny nikotina ao amin'ny lehilahy iray sy, na vehivavy iray. Ary raha sigara anankiray no hahafa-po an'io devolin'ny nikotina io dia hamela anareo hipetraka tsara sy hijanona tsy hanakorontana anareo izy, miaraka amin'ny sigara anankiray. Ary avy eo

maka fanatatavanana iray ianareo, izay mamela ny iray ampahatelon'ilay setroka fotsiny hivoaka eo amin'izay fotoana izay, na ny iray ampahatelon'ilay nikotina hivoaka eo, amin'izay fotoana izay dia hila sigara telo haka ny toeran'io anankiray io izany, ka hifoka telo ianareo raha tokony ho anankiray.

<sup>50</sup> Hitanareo, izany fotsiny dia—dia tsikombakomba iray, fitaka iray, tsikombakomba mba hiezahana hivarotra sigara. Afaka mivarotra betsaka tahaka an'izany izy ireo mihoatra noho ny hahafahan'izy ireo mamela fotsiny ny lehilahy iray hifoka paraky tsotra ao amin'ny pipany na ao amin'ny sigarany. Ankehitriny, hitanareo, avy amin'ny devoly izany.

<sup>51</sup> Raha nitsangana teo aho njery an'izany, ary nieritreritra hoe mamitaka toy ny ahoana ilay izy, dia tonga tamiko ilay fanontaniana. Ary niondrika aho, njery an'ilay fonosana indray, ary izaho...toy ny nisy zavatra iray mihitsy nilaza tamiko hoe, "Fa tena tsara ilay teny faneva, 'ny fanatatavanan'ny lehilahy misaina iray, ny tsiron'ny lehilahy iray mifoka.'" Tonga tamiko fa io famitahana io, ihany koa, ao amin'ny faritra ara-nofo teo amin'ilay paraky, dia zavatra iray tahatahaka ny fiangonana amin'izao andro izao, hitanareo, famitahana iray.

<sup>52</sup> Tonga izany hany ka izao tontolo rehetra izao dia lasa famitahana lehibe iray ny amin'izay tena marina sy izay tsara. Hitanareo, na dia ao amin'ny politika aza, sy ao amin'ny raharaha ara-tsosialy, any am-pianaranana, ao amin'ny zavatra rehetra, lasa famitahana iray izany.

<sup>53</sup> Nisy lehilahy tanora iray niteny tamiko indray andro fa tany amin'ny tobin'ny tafika iray izy, ary nisy miaramila tanora anankiray voahitsaky ny fiara mifono vy iray; ny avokavony, ny vavoniny, na inona koa ilay izy, dia torotoro. Fa nandeha tany amin'ny hopitaly izy ireo; nanana dokotera telo na efatra izy ireo nitsangana teo amin'ny filaharana, ka ny olona rehetra nitsangana teo amin'ny filaharana. Fa miaramila roa na telo no nihazona an'ilay sakaizany, ary zara raha afaka nisintona fofon'aina fotsiny...Isaky ny nisintona fofon'aina izy, dia nanindrona ny avokavony ilay taolan-tehezana, ary izany no nampandeha rà azy tao anatiny. Fa navelan'izy ireo nitsangana teo amin'io filaharana io ilay lehilahy tanora, tany amin'ny farany indrindra amin'ilay filaharana, ary namela azy ireo, ny sasany tamin'ireo zalahy ireo anefa tsy nanana afa-tsystretin-tsofina fotsiny na zavatra iray, dia nandroso.

<sup>54</sup> Ary saiky teo amin'ny fotoana nidirany tao, dia tonga ny kolonely iray niaraka tamin'ny ankizy kely izay tratry ny tandimerina, ny zanany lahikely na vavy kely dia tratry ny tandimerina teo amin'ny tananay. Fa najanon'izy ireo ilay filaharana, mba hamela ny zanak'ilay kolonely hiditra, nefo io zazalahy io dia torotoro, teo am-pahafatesana. Eo ianareo izao.

<sup>55</sup> Oh, raha mba nanana fihetseham-po tena izy ho an'ny rahalahiny teo amin'ilay filaharana io kolonely io, dia ho nilaza izy hoe, "Afaka miandry ity ankizy ity. Ento eo haingana io lehilahy io, manaova zavatra ho azy!"

<sup>56</sup> Saingy ny olona rehetra dia te-hampiseho ny fahefany. Ankehitriny, tsy izy rehetra akory no tahaka an'izany; tsia, tsy izy rehetra no tahaka an'izany. Fa misy marobe no tahaka an'izany. Misy marobe amin'izy ireo no tahaka an'izany. Fa ilay lehilahy, ny zavatra tokana izay noeritreretiny, dia ny zanany lahikely manokana izay tratry ny tandimerina teo amin'ny tānany, ka tsy nieritreritra ny amin'io tovolahy nampalahelo nitsangana teo io potipotika tao ambanin'ny fiara mifono vy iray, ilay fiara mifono vy mihitsy sy ilay tovolahy mihitsy angamba anefa no mety hahavonjy ny ainy indray andro any eo amin'ny sahan'ady. Hitanareo, tsy mijanona mba hieritreritra izy ireo; ho an'ny tenany fotsiny ihany.

"Ny fanatatavanan'ny lehilahy misaina iray."

<sup>57</sup> Nojereko ilay izy, ary nieritreritra aho hoe, "Izany dia zavatra tahaka an'ireo—ireo anaram-piagonana amin'izao andro izao, ireo fiangonana izay ananantsika." Manana ny fanatatavanany manokana ny tsirairay avy amin'izy ireo; manana ny karazana fanatatavanany manokana izy ireo. Izay tiany fotsiny no avelany hiditra, sy tsy hiditra; izay tatavaniny hiditra sy tatavaniny hivoaka, miaraka amin'ny karazana fanatatavanany manokana. Mamela betsaka avy amin'izao tontolo izao hiditra izy ireo mba hahafa-po an'ireo tsy mpino izay ao anatiny ao. Hampidiriny izy ireo tsy mampaninona izay maha-izy azy, rehefa manam-bola fotsiny izy ireo. Hampidiriny izy ireo tsy mampaninona izay maha-izy azy, rehefa malaza fotsiny izy ireo.

Fa misy zavatra anankiray mikasika an'izany, tsy afaka mampiditra ny Fianganon'Andriamanitra tahaka an'izany ianareo; tsy ilay anaram-piagonana ankehitriny, ny tiako lazaina dia ilay tena izy, Fianganon'Andriamanitra tena izy.

<sup>58</sup> Tahaka an'ireo orinasan'ny sigara amin'izao andro izao, ireo olona izay miditra amin'ireo antsoina hoe fiangonana na anaram-piagonana, manana tsiro iray izy ireo, ary izany tsiro izany dia ireo filamatra avy amin'izao tontolo izao. Ary manana ny fanatatavanany manokana ny anaram-piagonana tsirairay, fa tatavanin'izy ireo hivoaka ireo Kristiana marina rehetra izay hanao "amena" rehefa mitory izy; ka mampiditra an'ireo mitapa-bolo rehetra, ireo Jezebela miloko tarehy izay ao amin'ilay firenena, raha mbola malaza foana izy ireo. "Ranona-sy-ranona no tonga ao amin'ny anay...mpilalao sarimihetsika iray, olona malaza iray." Izany ilay karazana fanatatavanana izay ampiasain'izy ireo. "Ny anaram-piagonanay. Ranona-sy-ranona, ny

filoha, na ny—na ny kolonely, na olona iray dia mikambana amin'ny anaram-piangananay.” Hitanareo ve hoe karazana fanatatavanana inona no ampiasain’izy ireo? Izany fanatatavanana izany, mazava ho azy, dia avy amin’izao tontolo izao, ny olon’izao tontolo izao.

<sup>59</sup> Ny olona, dia fantany izay ilainy. Noho izany raha tsy maintsy hahazo izay ilainy izy ireo, amin’izay fotoana izay dia tsy maintsy banana karazana fanatatavanana iray izy ireo, ary betsaka avy amin’izay tenenin’izao tontolo izao, mba hahafa-po ny tsiron’izao tontolo izao an’izy ireo. “Ny fanatatavanan’ny lehilahy misaina iray, ny tsiron’ny lehilahy iray mifoka.” Fanatatavanan’izao tontolo izao mpivavaka, sy ny tsiron’ny lehilahin’izao tontolo izao.

<sup>60</sup> Te-ho mpivavaka izy ireo. Mihevitra izy ireo fa tsy maintsy mpivavaka, satria manana fanahy iray izy ireo.

<sup>61</sup> Rehefa tonga voalohany teto amin’ity firenena ity isika, dia nahita ny Indiana manompo masoandro sy ny sisa ianareo, satria (nahoana?) olombelona iray izy. Miditra any anaty alan’i Afrika lavitra any isika, dia mahita an’ireo teratany manompo zavatra iray. Nahoana? Olombelona izy ireo, ary izy ireo dia mila, tsy maintsy manompo.

<sup>62</sup> Noho izany ny olombelona, tsy mampaninona na lavo toy ny ahoana aza izy, dia mbola fantany foana fa misy zavatra anankiray any ho any. Saingy manana an'ilay karazana tsiro an’izao tontolo izao izy, ka tsy afaka mandray an'ilay fanatatavanana marina. Tsy maintsy manana ny fanatatavanany namboarina manokana izy. Ny tsirairay avy dia manamboatra ny karazana fanatatavanany manokana.

<sup>63</sup> Ny orinasan’ny sigara tsirairay dia manindrahindra ny azy, izay azon’izy ireo atao, “Ny tena fanatatavanana! Ity no fanatatavanana tsara indrindra! Ny rehetra eo aloha!” sy ny rehetra tahaka an’izany. Hoy izy ireo, “Ny tsiro dia tonga,” na tahaka an’izany, “avy eo aloha.” Oh, mamindrà fo. “Eo aloha”? Inona no ao amin’ny farany aorian’ilay izy, raha izany? Azo antoka fa tsy lehilahy misaina iray na vehivavy misaina iray. Fa izany no lazain’izy ireo, mamitaka ny olona fotsiny izao.

<sup>64</sup> Ankehitriny dia hitantsika, amin’ny androntsika, fa manana tsiro iray ny olona. Ary nahoana ny lehilahy iray no mifoka sigara? Izany dia mba hahafa-po tsiro iray. Nahoana ny vehivavy iray no mifoka sigara? Hahafa-po tsiro iray.

<sup>65</sup> Ary amin’izay fotoana izay raha misaina ilay fiangonana, vondrom-pivavaka iray, izy ireo... mba hampidirana an’ireo olona ao, dia tsy maintsy manana karazana fanatatavanana iray izy ireo hanome an’ireo olona ny tsiro izay ilainy. Noho izany raha tsy manana tsiro iray izay ilainy izy ireo, dia tsy ilainy ilay sigara. Ary raha tsy afaka mahazo an'ilay tsiro

izay ilainy amin'ny fivavahana izy ireo, dia tsy handray an'ilay fivavahana. Ankehitriny, tena mazava arak'izay maha-izy azy mihitsy.

<sup>66</sup> Ireo vehivavy miaraka amin'ny sorta, volo tapaka, miloko tarehy, miakanjo mampitanjaka, izany no ilain'izy ireo. Tian'izy ireo izany.

<sup>67</sup> Tahaka ny noteneniko aninkeo maraina sy tamin'ny Alahady heriny maraina, teo amin'ilay kodia eo afovoan'ny kodia, na ilay aina kely anatiny ao anatin'ny fanahy. Ahoana fa ilay fanahy ety ivelany, eo anelanelan'ny aina sy ny vatana, dia afaka ny ho voahosotry ny Fanahy Masina tanteraka. Azonareo rehetra ve izany? [Hoy ny fiangonana hoe, "Amena."—Mpand.]

<sup>68</sup> Ankehitriny mba hanarahana an'izany miaraka amin'ny fitohizan'ilay Hafatra hoe, *Ny Andriamanitr'Izao Tontolo Izao, Ireo Voahosotra Amin'Ny Andro Farany*. Io ivelany io, io faribolana eo afovoany io... Ny faribolana voalohany dia ireo—ireo taovam-panamboloan'ny olombelona. Ny faribolana faharoa dia ireo taovam-panamboloan'ny fanahy; ny sitrapo, ny sitrapo manokana, ny faniriana, sy ny sisa. Fa ilay ao anatiny dia ny aina; io aina io no voafidy mialoha.

Noho izany, afaka manosotra an'io fanahy io izy ireo mba hanao ny vatana ivelany hanaiky ny fanahy. "Fa ny aina izay manota, izany aina izany dia ho faty." Ny aina izay mandà, ao amin'ny tsi-finoana, ny Tenin'Andriamanitra, izay ampahany iray, izany aina izany no ho Mandrakizay...efa izany, foana.

<sup>69</sup> Mino ny fahafatesana iray Mandrakizay aho, tahaka ny inoako ny Lanitra iray Mandrakizay, fa tsy helo iray Mandrakizay. Tsy misy izany karazana helo Mandrakizay izany. Misy ny fahafatesana iray Mandrakizay ho an'ireo olona izay... Maro amin'izy ireo, mpivavaka, any amin'izao tontolo izao amin'izao andro izao, no efa maty foana.

<sup>70</sup> "Ny vehivavy izay miaina amin'ny fahafinaretana," miaraka amin'ny volony tapaka sy miloko tarehy, "dia maty fahavelony." Ny Baiboly no niteny an'izany. Hitanareo? Hitanareo, mety ho mpivavaka izy, saingy tsy voavonjy mihitsy. Fihetsehana ivelany iray no ananany. Mety mihira ao amin'ilay antoko mpihira izy, na mety mandihy ao amin'ny Fanahy, mety miteny amin'ny fiteny tsy fantatra izy, ary manana ny fanehoan'ny Fanahy rehetra. Saingy tsy zanakavavin'Andriamanitra io aina ao anatiny io, hitanareo, vita ny aminy, tsy mampaninona izay ataony.

<sup>71</sup> Isiraelly dia ara-panahy tety ivelany, feno ny fahatsaram-panahin'Andriamanitra, ary toy ny ahoana no nanajan'izy ireo an'Andriamanitra, sy ny sisa, saingy tsy nety izany. Tsy afaka nanaiky an'ilay Teny Izy tenany ny tao anatin'izy ireo.

<sup>72</sup> Fa rehefa nateraky ny Fanahin'Andriamanitra ianareo, amin'izay fotoana izay dia manana ny...zanakalahin'Andriamanitra ianareo, ary efa zanakalahin'Andriamanitra foana, ary ho zanakalahin'Andriamanitra foana ianareo. Tsy misy fomba hanasarahanana an'izany, satria izany dia...manana Fiainana Mandrakizay ianareo. Ary ny Mandrakizay dia tsy nanomboka mihitsy; sady tsy hifarana mihitsy izany.

<sup>73</sup> Oh, nohon'ny fahasoavan'Andriamanitra, dia Nomeny antsika ny fahalalana an'ireo karazana zava-miafina lehibe ireo! Araka ny nolazain'i Paoly eto, lavidavitra kely ao amin'ny Efesiana, miresaka ny amin'ny vady lahy sy ny vady vavy, ka nanao hoe, "Zava-miafina iray izao," hoe ahoana no tokony hankatoavan'ireo vehivavy ny vadiny. Na ilay toerana faharoa aza, mino aho fa izany ilay izy, ny Baiboly manontolo, dia voaresaka io fanajana io. Hoy izy, "Ireo vehivavy, dia tokony hanaja ny vadiny izy, hanaja ny vadiny." Noho izany ny vady lahy iray dia tokony haina fiainana iray eo anatrehan'ny vadiny izay hahafahan'ny vadiny hanaja azy toy ny zanakalahin'Andriamanitra iray. Ary raha tsy miaina an'izany karazam-piainana izany izy, eny, amin'izay fotoana izay, mazava ho azy, dia tsy hanaja azy izy, satria fantany hoe avy amin'ny inona no nanaovana azy. Fa raha lehilahy iray izay lehilahy manaja izy, manaja sady madio, miaraka amin'ny vadiny ary eo anatrehan'ny ankohonany, tena mpanompon'Andriamanitra iray, amin'izay fotoana izay ny vehivavy, ireo ankizy, sy ny rehetra, dia hankatò an'io mpanompon'Andriamanitra io, miaraka amin'ny fanajana.

<sup>74</sup> Mariho ankehitriny. Ny vehivavy, te-hanana volo tapaka izy ireo. Te-hanao sorta izy ireo, loko, lokon-tarehy. Ireo bikinis kely sy ny sisa izay izy ireo—izay anaovan'izy ireo amin'izao andro ankehitriny izao, te-hanao an'izany izy ireo; kanefa dia te-handeha any am-piagonana. Hitanareo ve io hosotra eo amin'ilay fanahy io, tsy eo amin'ilay aina. Hitanareo?

<sup>75</sup> Nilaza, te-ho Kristiana iray izy sady hanao an'ireo zavatra ireo ihany koa, ary milaza ilay pasitera fa mety izany. Noho izany raha miteny izy fa mety izany, "Afaka ny ho mambra iray ianareo; ny anaranareo dia azo atao eo amin'ny bokim-piagonana eto; mety izany," amin'izay fotoana izay izy dia manome azy ny fanatatavanana'ny anaram-piagonana ho antonona ny tsiron'ny vehivavy iray an'izao tontolo izao. Tia an'izao tontolo izao izy; tiany ny tsiron'ilay izy. Noho izany dia manana fanatatavanana iray ho azy izy, saingy tena lavitra be ny amin'ny maha-vehivavy misaina iray izy. Fa eo ianareo izao. Teo no nahitako an'izao lahateny izao.

<sup>76</sup> Tsia, izy dia tsy—tsy vehivavy misaina iray. Raha nisaina izy, dia hahafantatra fa tsy ny fiagonana no hitsara azy amin'ny Andro farany. Ny fiagonana no mitsara azy

ankehitriny amin'ny alàlan'ny fikambanany, ny fahatokiany amin'ireo antoko izay ikambanany sy ireo fikambanana. Mitsara azy amin'ny alàlan'izany izy ireo ankehitriny. Fa Andriamanitra kosa no hitsara azy amin'ny Andro farany. Noho izany dia tsy misaina izy.

<sup>77</sup> Tahaka ny lehilahy izay mifoka fotsiny; tiany loatra ilay sigara hany ka ny fahafahan'ny fisainany dia lasa tsentsin'ny nikotina. Ary ireo fanirian'ny vehivavy no tena manentsina ny fahafahan'ny fisainany hany ka hanao an'ireo zavatra izay ratsy eo imason'ny Tompo ireo izy, satria te-hanao an'izany; izany no mahafa-po ny tsiron'ny vehivavin'zao tontolo izao. Noho izany dia mandray fanatatavanana an'ny fiangonan'zao tontolo izao iray izy; mandalo eo amin'izany mihitsy izy, tsara, tsy misy na inona na inona manelingelina. Mampiseho...

<sup>78</sup> Ankehitriny dia hitantsika eo fa izany no Fahamarinana. Ary hoy ilay pasitera hoe, "Tena tsara izany. Tsy manameloka ny vehivavy amin'ny fanaovana an'izany izahay. Tena tsara izany." Misy fahotana betsaka ao amin'izany; izany no mandalo ao amin'ny fanatatavanany. Izany no maneho fa nandalo tao amin'ny fanatatavanana ara-teolojia iray izy ireo. Ary naka tsiro ara-teolojia iray izy ireo; dia nanana tsiro ara-teolojia iray. Fa tsy nandalo marina tokoa teo amin'ny Fanatatavanan'Andriamanitra izany. Tsia, tompoko.

<sup>79</sup> Ankehitriny, raha misy ny fanatatavanana ara-teolojia iray ho an'ny mpisaina ara-teolojia, ary misy ny fanatatavanam-piangonana iray ho an'ny mpisaina fiangonana, fanatatavanan-tsigara iray ho an'ny mpisaina sigara, dia tsy maintsy misy ny tena fanatatavanana iray any ho any ho an'ilay tena mpisaina. Ary manana Fanatatavanana iray Andriamanitra, ary izany dia Ny Teniny. Mpampisaraka iray Izany, satria Izany no ranon'ny fampisarahana ho an'ny ota. Ankehitriny, izany no lehilahy misaina na tsiron'ny lehilahy masina.

<sup>80</sup> Raha mandalo ao amin'io karazana fanatatavanan'zao tontolo izao io ny lehilahy iray, izy—izy dia manana ny tsiron'zao tontolo izao. Ary tahaka ny orinasan'ny paraky, dia mahazo mambra betsaka izy ao amin'ny fiangonana amin'ny alàlan'ny fanosehana azy ireo handalo ao amin'io fanatatavanana io. Raha hoy izy ireo hoe, "Ny vehivavy no betsaka mandeha any am-piangonana noho ny lehilahy." Mety ho izany ilay izy. Ankehitriny, mety ho tena marina izany, rehefa afaka mandeha izy ka manao ny zavatra rehetra izay tiany. Marina izany. Hanao izy, hikambana amin'ny zavatra rehetra, saingy nandalo tao amin'io fanatatavanam-piangonana io izy. Raha nandalo tao amin'ny Fanatatavanan'Andriamanitra izy, dia hivoaka ho hafa avy

ao amin'izany. Hitanareo? Tsy afaka handalo ao amin'ny Fanatatavanana'Andriamanitra izy ka hivoaka miaraka amin'ny volo tapaka. Tsy afaka manao an'izany mihitsy izy.

<sup>81</sup> Ankehitriny ity dia ho—ho mangidy kely angamba ho an'ny olona iray. Saingy rehefa nanomboka nandalo tao amin'ny Fanatatavanana'Andriamanitra izy, ka milaza Izany eo fa tsy tokony hanapaka ny volony izy ireo, amin'izay fotoana izay (inona?) mipetraka ery amin'ny ilany hafa izy. Raha nilaza Izany fa fahotana ho an'ny vehivavy ny manao tahaka an'izany, ary mahafa-boninahitra ny manao tahaka an'izany.

“Raha izany no tiany,” hoy izy, “eny, tsy maintsy hanapaka ny volony izy.”

Hoy izy, amin'izay fotoana izay, “Haràto àry ilay izy.” Dia hoy izy, “Fantatsika fa henatra ho an'ny vehivavy ny manana loha voaharatra.” Hoy izy, “Noho izany dia aoka hisarona ny lohany.” Ary ny volony no fisaronany; tsy satroka, ry ramatoa. Ny volony no fisaronany, hoy ny Baiboly. Marina. Izany no maneho fa Nazirita iray ho an'ny Tompo izy. Ny volo lava, ho an'ny vehivavy, dia midika ho Nazirita iray ho an'ny Tompo. Ankehitriny, hitantsika fa marina izany.

<sup>82</sup> Saingy hitantsika fa raha ilay lehilahy misaina, ilay mody antsoina eto amin'izao tontolo izao, no afaka mifoka ka mbola mahazo ny tsirony foana, dia tokony hanana fisainana betsaka izy hahafantarana fa mahazo godorao avy amin'ilay paraky. Fa izany fotsiny, ny ataon'izany, dia ny hivarotra aminy betsaka, hanao azy hividy sigara betsaka.

<sup>83</sup> Ary ilay fanatatavanam-piangonana dia mahazo mpikambana sy ny zavatra tahaka an'izany rehefa mamela azy ireo handalo ao miaraka amin'ny zavatra rehetra nefä mbola mikambana amin'ilay fiangonana foana, mahazo mambra betsaka izy ireo. Ahoana moa raha nandeha tany amin'ireo fiangonana isika izao hariva izao ka nanatatavana ny olona rehetra ankoatr'ireo Kristiana tena izy nateraky ny Teny. Ho betsaka ny toriteny hidona amin'ny rindrina izao hariva izao, marina izany, satria nandalo tao amin'ilay Fanatatavanana izany.

<sup>84</sup> Ary raha manana faniriana anankiray ato am-poko aho, ka manantena fa ny olona rehetra izay mihaino ahy dia manana an'ilay zavatra iray ihany hoe, “Andriamanitra, ento mandalo amin'Ny Fanatatavanana aho.” Tahaka ny nolazain'i Davida hoe, “Diniho aho, ka zahao toetra, ary jereo raha misy ratsy iray ato amiko, avy eo dia esory izany, Tompo.” Hitanareo? Mila ny Fanatatavanana'Andriamanitra aho. Tsy ahoako izay ataon'izao tontolo izao, izay ananan'ny fiangonana; te-ho lehilahy misaina iray aho, hieritreritra hoe eo akaikin'Iza no hitsanganako indray andro any, ho an'ny Fitsarana.

<sup>85</sup> Mariho, manao an'izany ilay orinasan'ny paraky mba hivarotana sigara betsaka; manao an'izany ny fiangonana mba hahazoana mambra betsaka. Ny vehivavy iray miaraka amin'ny volo fohy, manao sorta, dia ho tratra ao amin'ny Fanatatavanan'Andriamanitra. Tsy afaka handalo ao amin'Izany izy, miaraka amin'ny volo fohy, satria ny Baiboly no nilaza fa tsy tokony hanao an'izany izy. Mahafa-boninahitra ny lohany izy raha manao an'izany. Tokony ho fantatsika izany. Saingy mandeha mandalo avy hatrany ao amin'ilay fiangonana tsara mihitsy izy, ny sisa rehetra amin'izy ireo. Indraindray aho dia mitsangana...

<sup>86</sup> Tsy hoe tsy manaja olona; tsy miteny mikasika olona manokana mihitsy aho, fa ny fahotana ao amin'ny fiangonana izany. Ianareo no vavolombeloko amin'izany. Tsy nilaza aho hoe, "Ramatoakely *Ranona-sy-ranona* dia *izao-sy-izao*, na Atoa. *Ranona-sy-ranona*, na Rev. *Ranona-sy-ranona* dia *izao-sy-izao*." Tsia, tompoko. Milaza aho fa ny fahotana dia fahotana. Raha ao amin'ny fianakaviako izany, ao amiko, ao amin'iza na iza, dia mbola fahotana foana izany. Tsy hoe olon-tokana iray, tsy miteny manohitra olon-tokana aho. Miteny manohitra ny fahotana aho. Tsy ahoako na izaho izany na iza izany na iza, no manomboka mandalo ao amin'ny Fanatatavanan'Andriamanitra, ny fahotana rehetra dia hijanona eo avy hatrany.

<sup>87</sup> Mariho. Fa ny vehivavy izay te-hanana volo fohy sy hanao sorta, na hanao loko sy ny zavatra rehetra, afaka mandeha avy hatrany mandalo ao amin'ny fanatatavanana Pentekotista iray izy tena mora tahaka ny mofo menaka iray, tsy misy na inona na inona mikasika an'izany, ao amin'ny fahafatesana avy hatrany. Satria, izy ilay... Hoy izy hoe, "Eny, tsy misy maharatsy an'izany."

"Raha tia an'izao tontolo izao na ny zavatr'izao tontolo izao ianareo, dia satria tsy ao aminareo akory aza ny fitiavana an'Andriamanitra."

<sup>88</sup> Amin'ny alàlan'io fanahy io, noho izany, dia afaka mampidina ao amin'ny fanahiny izy, an'ireo zavatra izay tsy avy amin'Andriamanitra sy manohitra ny Tenin'Andriamanitra, raha izany no tsiro ao amin'ilay aina. Afaka mandalo ao amin'ilay tsiro izany; *mahita*, *manandrana*... Afaka mandalo ao amin'ny *fisainana* izany, mandalo ao amin'ny *fiheverana*, "Tsy misy maharatsy an'izany. Manana tsiro aho. Manana fahatsapana aho. Manana fahatsapana aho fa mety tsara izao." Afaka mandalo midina mihitsy amin'izany izy, ary ao amin'ny ainy avy hatrany, raha izany karazana izany ny ainy. Izany no maneho fa tsy notarihina nandalo tamin'ny Fanatatavanan'Andriamanitra izy.

Fa raha manana volo tapaka izy, manao lokon-tarehy, sorta, pataloha, tahaka ny an'ny lehilahy, ary ireo kilaoty

sy izay iantsoany azy ireny; miteny an'ireo karazan-javatra ireo, ary manao an'ireo zavatra ireo, ka miaina ho an'izao tontolo izao, dia hijanona izy; tsy afaka handalo Eo izy. Tsia, tompoko. Izany no hampijanona azy hatrany amin'ny voalohany.

<sup>89</sup> Mariho, ny lehilahy iray izay mijery an'ireo molony mena tsara tarehy sy miloko tarehy, sy ireo sorta sy—sy bikinis, ary izay rehetra ananany; ny tena lehilahy misaina iray dia tsy hijery azy mihitsy. Ankehitriny, ny lehilahy iray izay mambran'ny fiangonana no hijery azy, hankafy azy. Fa tsy ahoako na toy ny ahoana izy eo amin'ny maso, ny lehilahy misaina iray dia hanodina ny lohany. Nahoana? Efa nandalo tao amin'ny Fanatatavanana'Andriamanitra izy, ary fantany fa ny mijery azy dia fijangajangana ao am-pony. Tsy mieritreritra izy fa hoe tsara tarehy izy.

Hoy izy ireo, “Tsy zavatra iray tsara tarehy ve izy!”

Tsy izany izy aminy. Maharikoriko iray izy, Jezebel a mantra sy ory, ho an'ny lehilahy misaina iray. Ny zanakalahin'Andriamanitra iray dia mijery azy amin'ny henatra fa hoe mikambana amin'ilay fianakaviana izay ikambanany izy. Marina izany. “Ahoana no hahafahan’izany ho anabaviko nefana nanao tahaka an'izany?”

<sup>90</sup> Hitanareo, mitsofoka mandalo ao amin'ny fanatatavanana anankiray izy, ary mandalo amin'ny iray hafa. Tsy hieritreritra mihitsy izy hoe tsara tarehy izy, tsia mihitsy. Tsy hatsaran-tarehy izany ho an'ny tena lehilahin'Andriamanitra iray.

<sup>91</sup> Tsarovy, indray mandeha talohan'ny nahalasa ny Ràn'i Jesosy Kristy ho Fanatatavanana, raha ho tonga eo isika afaka minitra vitsy, “Ireo zanakalahin'Andriamanitra dia nahita an'ireo zanakavavin'ny olona, fa tsara tarehy izy ireo, ka naka azy ho vadiny.” Tsy navelan'Andriamanitra mihitsy izany. Nitranga indray izany, teo amin'ny dian'ny Isiraely, ary tsy navelan'Andriamanitra mihitsy izy ireo. Ny tsirairay avy tamin'izy ireo dia levona.

Ny Fanatatavanana'ny lehilahy misaina iray!

Nivoaka avy tao amin'ny favoriana aho teto; nisy ricky kely iray nitsangana teto tao ambadiky ny fiangonana indray hariva, niteny tamiko, teo amin'ny telo na efa-taona lasa izay, nanao hoe, “Ny antony ilazanao an'izany, dia lehilahy antitra iray ianao.” Hoy izy, “Izaho dia mihevitra fa tsara izy ireo.”

Hoy aho hoe, “Azoko eritreretina izany.” Avy amin'ny endrinjy fotsiny, dia afaka miteny ianareo hoe toy ny inona izy. Hoy aho hoe, “Mamelà ahy hiteny zavatra iray aminao. Firy taona ianao?”

“Eo amin'ny telopolo taona eo.”

<sup>92</sup> Hoy aho hoe, “Fony aho dimy ambin’ny folo taona tanora noho ianao, dia nihevitra tahaka an’izany.” Marina. Fa mbola loto foana ilay izy!

<sup>93</sup> Ny Fanatatavanan’ny lehilahy misaina iray! Ankehitriny mariho, raha efa izany izy, ka voatatavana nandalo tao amin’ny Tenin’Andriamanitra ny sainy, Fanatatavanan’Andriamanitra, dia tsy hijery azy izy. Tsy hieritreritra izy hoe tsara tarehy izy; hieritreritra izy hoe Jezebela iray izy. Hieritreritra izy, fa ny ao ambadik’ireo molotra mena ireo dia faraingo misy poizina izay hanindrona azy. Ary hoy ny Baiboly hoe, “Ny vavahadiny dia vavahadin’ny helo; ary miditra ao tahaka ny omby mandeha any amin’ny mpamono azy ny lehilahy iray.” Izany no Fanatatavanan’ny lehilahy misaina iray.

<sup>94</sup> Inona no irianareo? Rehefa mandeha eny an-dàlambe ny vehivavy miakanjo tahaka an’izany, ka manodina ny lohanareo ianareo lehilahy, mijerijery manodidina tahaka an’izao, dia tsy mampiasa ny Fanatatavanan’ny lehilahy misaina iray ianareo. Satria, raha manao an’izany ianareo, dia mijangajanga, satria hoy ilay Fanatatavanana hoe, “Na iza na iza mijery vehivavy iray ka mila azy dia efa njangajanga sahady tao am-pony izy.” Ahodino ny lohanareo, ry lehilahy misaina. Alaviro izy. Tsy tsara tarehy izy. Menarana iray izy; marina izany, miolanolana tahaka ny anankiray, mihetsika tahaka ny anankiray, manindrona tahaka ny anankiray. Ialao izy.

<sup>95</sup> Oh, eny, ny Tenin’Andriamanitra no Fanatatavanan’ny lehilahy misaina iray. Mahafantatra an’izany ny rehetra. Ao amin’izany no anatatavanana ny ainareo, ny Tenin’Andriamanitra. Ary Izany no manao, rehefa mandalo ao amin’Andriamanitra ianareo...Rehefa mandalo ao amin’ny Fanatatavanan’Andriamanitra ny lehilahy misaina iray, dia izany no manome azy ny tsiron’ny lehilahy masina. Marina izany. Rehefa mandalo ao amin’ny Fanatatavanan’Andriamanitra ianareo, amin’izay fotoana izay dia tsiron’ny lehilahy masina ny tsironareo. Izany no manao tsiron’ny lehilahy marina iray. Tena mety tokoa ilay teny filamatra.

<sup>96</sup> Ankehitriny hitantsika hoe ahoana no nanaovana an’izany tao amin’ny tandindona iray, tany Isiraely, ho an’ilay fiangonan’ny Isiraely irery ihany. Izany ilay antony, hiresahako an’ity ankehitriny, raha tsy mifanaraka amin’ny zavatra rehetra izay voalaza ireo mpitoriteny; ity dia ho an’ny fiangonako izay nomen’ny Tompo ahy mba—mba hitoriana.

<sup>97</sup> Mariho ao amin’ny Eksodosy 19, tiako ianareo hamaky an’izany rehefa mandeha mody, rehefa manana fotoana betsaka ianareo. Mariho, rehefa nanota Isiraely, dia naka vatot’ombivavy mena iray aloha izy ireo izay tsy mbola nanana zioga iray mihitsy teo amin’ny tendany. Izany no midika fa tsy voaziogan’ny zavatra anankiray mihitsy izy.

<sup>98</sup> Ary tsy maintsy mena izy. Ny loko mena dia—dia lokon'ny fanaovam-panavotana. Fantatrareo, mahafantatra ny siansa fa raha maka ny mena ianareo ka mijery eo amin'ilay mena, ny mena, dia fotsy ilay izy. Mijery eo amin'ny mena, ny mena, dia fotsy ilay izy. Mijery eo amin'ny Rà menan'ny Tompo Jesosy Izzy, dia lasa fotsy toy ny orampanala ireo fahotantsika mena; mena eo amin'ny mena.

Ary ilay vatotr'ombivavy dia novonoina tamin'ny andro hariva, tamin'ny alàlan'ny fiangonan'ny Israely manontolo.

Ary nasiana marika fito avy tamin'ny ràny teo amin'ilay varavarana izay tsy maintsy nidiran'ilay fiangonana manontolo; tandindona iray an'ireo Taona Fiton'ny Fiangonana, amin'ny alàlan'ny Rà.

<sup>99</sup> Ary avy eo dia entina ny vatany ary dorana. Dorana miaraka amin'ny kitro izany, miaraka amin'ny hoditra, miaraka amin'ny tsinay, miaraka amin'ny diky. Ny zavatra rehetra dia dorana, miaraka.

Ary tsy maintsy alain'ny lehilahy madio iray izany, ary tsy maintsy apetraka eo amin'ny toerana madio iray ivelan'ny fiangonana. Noho izany, raha mba afaka nahita an'ilay tandindona fotsiny mantsy Israely! Ity Tenin'Andriamanitra ity dia tsy tokony hazonin'ny tànana maloton'ny tsy mpino. Tsy maintsy lehilahy madio iray ilay izy. Ary raha madio izy, dia tsy maintsy mandalo ao amin'ny Fanatatavanan'Andriamanitra.

Lehilahy madio iray, tànana madio, ary tsy maintsy tehirizina ao amin'ny toerana madio iray; tsy toerana izay misy an'ireo Jezebel, sy Rickys, sy ny sisa mandray anjara; mandray ny fandraisana sy ny sisa, nefà izy ireo dia mandehandeha miaraka amin'ireo vady vavy, sy vady lahy, ary ireo karazan-doto rehetra; mandeha any amin'ny fandihizana sy fety, ary manao volo tapaka, sy sorta, sy ny zavatra hafa, nefà miantso ny tenany hoe Kristiana. Tsy maintsy tehirizina ao amin'ny toerana madio iray izany, ary hazonin'ny tànana madio.

<sup>100</sup> Ary avy eo rehefa nanota Israely, ka nahalala fa nanao ratsy izy ireo, tamin'izay fotoana izay dia nofafazana ny lavenon'io vatotr'ombivavy io izy ireo, teo aminy. Ary izany no ranon'ny fampisarahana, fanadiovana iray ho an'ny ota.

<sup>101</sup> Mariho. Ity ilay izy! Ary Israely rehefa, talohan'ny nahafahan'izy ireo niditra tao amin'ny fiombonana tao amin'ny fanompoana, dia tsy maintsy nandalo teo amin'ireo ranon'ny fampisarahana aloha izy ireo. "Fanamarinana amin'ny finoana; tonga avy amin'ny fandrenesana, fandrenesana ny Teny."

Avy eo dia niditra tao amin'ny fiangonana izy ireo teo ambanin'ireo marika fito ireo, ilay rà, mba haneho fa nisy

zavatra iray maty ary nandeha teo anoloan'izy ireo, ho an'ny fahotany. Voasaraka izy ireo tamin'ny alàlan'ny fandrenesana ny Teny, ireo ranon'ny fampisarahana, avy eo dia niditra tao amin'ny fiombonana.

<sup>102</sup> Ny toerana tokana izay nihaonan'Andriamanitra tamin'ny olona iray dia tao ambadik'io didy io. Tsy hihaona aminy any an-kafa Izzy. Tsy maintsy tonga ao ambadik'io didy io izy. Toerana iray ihany no nihaonan'Andriamanitra tamin'Israely.

Ary toerana iray ihany no ihaonan'Andriamanitra aminareo androany, ary izany dia ao amin'i Jesosy Kristy; fa Izzy no Teny, ireo ranon'ny fampisarahana. Ary nararaka ho an'ny Taona Fiton'ny Fiagonana rehetra Ny Ràny. Ary avy eo, amin'ny alàlan'ny Fanahy Masina, no idirantsika ao amin'io fiombonana io, izay nomena ny Fiagonana irery ihany. Oh, lehibe toy ny ahoana Izzy!

<sup>103</sup> Izao koa, ankehitriny, te-hijery ao amin'ny Efesiana 5:26 isika, nanao hoe, "Izany dia ny fanasan'ny rano amin'ny Teny," ny ranon'ny fampisarahana. Inona no ataon'Izany? Noho izany, ny Fanatatavanan'Andriamanitra dia ny Teny. Ireo ranon'ny fampisarahana, "fanasan'ny rano, an'ny fampisarahana, amin'ny Teny," Fanatatavanan'Andriamanitra.

<sup>104</sup> Noho izany, tsy afaka miditra ao amin'i Kristy amin'ny alàlan'ny fanatatavanam-piagonana iray ianareo. Tsy afaka tonga amin'ny alàlan'ny fanatatavanana ara-anaram-piagonana iray ianareo na fanatatavanan'ny fanekem-pinoana iray. Fanatatavanana iray ihany no misy, izay ahafahanareo miditra ao amin'io toerana masina io, izany dia amin'ny alàlan'ny "fanasan'ny rano amin'ny Teny." Ny Tenin'Andriamanitra no Fanatatavanan'ny lehilahy misaina iray.

<sup>105</sup> Hitsara anareo eto ny fiagonana na mambra tsara iray ianareo, na tsia. Hanome anareo fandevenana tsara iray izy, sy sainam-pisaonana eo amin'ny fahafatesanareo, handefa fehezam-boninkazo lehibe sy—sy hanao ny zavatra rehetra ho anareo. Saingy rehefa tonga eo amin'ny ainareo hifanatrika amin'Andriamanitra izany, dia tsy maintsy manana ny Fiaianana Mandrakizay izy. Ary raha Fiaianana Mandrakizay iray izany, dia ampahan'ny Teny. Ary tahaka ny tsy ahafahan'ny teniko manokana handà...

Tsy afaka handà ny tànako ny tànako manokana. Tsy afaka handà ny tànako ny masoko manokana, na ny tongotro, na ny rantsan-tongotro, na ny ampahako rehetra. Tsy afaka mandà an'izany izy ireo.

Ary na dia ny lehilahy iray izay ampahan'ny Tenin'Andriamanitra koa aza, na ny vehivavy iray, dia tsy afaka mandà ny ampahan'ny Tenin'Andriamanitra. Noho izany, ry vehivavy, rehefa mihevitra ianareo fa afaka manana volo tapaka

ka miditra ao amin'ny Fanatrehan'Andriamanitra, dia diso ianareo. Hitanareo ve izany? Diso ianareo; tsy afaka mandalo ao amin'ny Fanatatavanan'Andriamanitra ianareo izay hanasana anareo amin'ny ranon'ny Teny. Avy eo vao miditra ao amin'ny fiombonana ianareo. Mihevitra ianareo fa isany, saingy tsy afaka ny ho izany ianareo raha tsy mandalo ao amin'ny Teny, sy ny pentina rehetra, ny Teny kely rehetra an'Andriamanitra. "Tsy ny mofo ihany no iveloman'ny olona, fa ny Teny rehetra." Tsy maintsy mandalo amin'io fitatavanana io ilay izy, mandalo ao. Ary izany no manome ny tsiron'ny lehilahy marina iray, satria izany no tadiaviny, mitady zavatra hanadio azy.

<sup>106</sup> Ny Teny, ny Tenin'Andriamanitra no Fanatatavanan'ny lehilahy misaina iray, ary Izany no manao ny tsiron'ny lehilahy marina iray. Fantatsika fa marina izany; manatatavana ny otan'ny tsy finoana hivoaka. Tsy misy tsi-finoana intsony rehefa mandalo eo amin'ilay Fanatatavanana ianareo, satria izany no tsiron'ny mpino marina iray.

<sup>107</sup> Ny mpino marina dia te-hahitsy, na ahoana na ahoana. Tsy te-hiteny fotsiny izy hoe, "Eny, mikambana amin'ilay laharana ambony ara-tsosialy aho. Mikambana amin'ny fiangonana aho, ny fiangonana goavana indrindra eto an-tanàna." Tsy ahoako na misiona iray eny an-joron-dàlana aza ilay izy, raha kirihiit'ala fialokalofana iray ilay izy, any ho any, ny lehilahy misaina iray dia mahafantatra fa tsy maintsy hihaona amin'Andriamanitra izy. Ary tsy mampaninona izay lazain'ny fiangonana, na izay lazain'olon-kafa, fa tsy maintsy tonga eo amin'ny fepetran'Andriamanitra izy. Ary ny Tenin'Andriamanitra no fepetran'Andriamanitra.

"Eny," hoy izy ireo, "Tenin'Andriamanitra."

Azo antoka, fa izy rehetra ireo dia mino hoe Izany no Tenin'Andriamanitra, saingy afaka tatavanina amin'ny alàlan'Izany ve ianareo? Ahoana no hamelanareo vehivavy iray mitapa-bolo handalo Ao? Ahoana no hanaovanareo an'izany? Ahoana no hamelanareo lehilahy iray handalo Ao izay tsy hihazona an'ity Foto-pampianarana ity? Hitanareo?

Tsy izany no tsiron'ny lehilahy misaina iray. Tsia. Ny lehilahy misaina iray dia hisaina, ny lehilahy misaina iray dia hisaina indroa alohan'ny hitsambikinany amin'ny zavatra tahaka an'izany.

<sup>108</sup> Mariho, tsy afaka handà ny Tenany ity Teny ity. Amin'izay fotoana izay dia afa-po, na faniriana ilay izy. Fanirian'ny inona izany? Inona no nanao anareo haniry an'Izany, tany amin'ny voalohany? Satria tao amin'ny ainareo tao ambany tao dia nisy voa iray voafidy mialoha izay ny Fiainana Mandrakizay, mipetraka ao foana, efa tao foana. "Izay rehetra nomen'ny Ray Ahy no hanatona Ahy. Tsy misy iray amin'izy ireo ho very."

<sup>109</sup> Ny tsiron'ny lehilahy misaina iray, rehefa mandre ny Tenin'Andriamanitra ny lehilahy misaina iray hoe, "Ny Ondriko mandre Ny Feoko, tsy hanaraka vahiny izy," satria ao ambaniny ao dia misy Fiainana, ary ny Fiainana mifandray amin'ny Fiainana.

Ny fahotana mifandray amin'ny fahotana, ary tena mpihatsaravelatsihy ny fahotana hany ka mihevitra izy fa voavonjy nefo tsy voavonjy. Izany no ao amin'ireo halalin'ny fihatsarambelatsihy.

<sup>110</sup> Mila fanatatavanan'ny anaram-piagonana iray ireo mambran'ny fiagonana mba hahafahan'iwy ireo hanana ny faniriany manokana nefo mbola kilasiana foana ho olona "mpivavaka." Mandre azy ireo ianareo manao hoe, "Oh, tena mpivavaka izy."

<sup>111</sup> Any Afrika, tany aho indray andro, ary niresaka ny amin'ireo izy ireo, ankizy vitsivitsy no niresaka ny amin'ireo hira rock-and-roll izay nohirain'i Elvis Presley sy izy ireo, Pat Boone sy iza koa, Ricky Nelson ary ireo hafa rehetra. Hoy aho hoe, "Andiana jiolahim-boto iray izy ireo."

Hoy ny zazavavy kely iray hoe, "Nahoana, tena mpivavaka izy."

<sup>112</sup> Hoy aho hoe, "Toy izany koa i Jodasy." Hoy aho hoe, "Nahazo volafotsy telopolo i Jodasy; Elvis Presley nahazo dolara an-tapitrisany maro." Hitanareo? "Samy nivarotra ny fizokiany izy roa ireo." Hitanareo? Hoy aho hoe, "Izy ireo no tsinon...fahafaham-baraka ratsy indrindra izay ananan'ny firenena." Sady mbola, tena mamitaka noho ilay fanatatavanan-tsrigara, ireo anaram-piagonana ireo dia mamela an'ireo mambra ireo hiditra ao. Izy ireo dia tsy tokony akory aza...Tokony hisy lalàna iray tsy hahazoan'izy ireo hihira hiram-pivavahana. Izany dia mifanohitra...tokony ho mifanohitra amin'ny lalàna ny fanaovan'izy ireo an'izany.

Saingy lasa antontam-pihatsarambelatsihy goavana be iray ny zavatra manontolo, ary eo no hijanonan'izy ireo amin'izao andro izao. Ny tena Fanat...[Elanelana tsy voaraki-peo—Mpand.] ho an'ny aina, manao hoe, "Raha tia an'izao tontolo izao ianareo na ireo zavatr'izao tontolo izao, dia tsy ao aminareo akory aza ny fitiavana an'Andriamanitra."

<sup>113</sup> Hitanareo, ianareo tsy afaka—ianareo tsy afaka miteny fa ny rock-and-roll dia avy amin'izao tontolo izao...na avy amin'Andriamanitra. Avy amin'izao tontolo izao ny rock-and-roll. Ary ny dihy rehetra sy voatatavana...ireo zava-dratsy maloto, raha ny marina, dia avy amin'izao tontolo izao. Avy amin'izao tontolo izao izany rehetra izany.

Tsy afaka milaza ianareo fa avy amin'Andriamanitra io volo tapaka io ho an'ny vehivavy iray. Ny Baiboly no milaza fa tsy izany ilay izy, noho izany dia ny loto avy amin'izao

tontolo izao izany. Ary raha tia ny pentina anankiray avy amin'izao tontolo izao ianareo, dia tsy ao aminareo akory aza ny fitiavana an'Andriamanitra. Hitanareo?

<sup>114</sup> Inona izany? Eny, inona no misintonia an'izany? Izany dia zavatra iray izay ao amin'ilay anatiny no misintonia an'izany. Ny aina no misintonia ny fanananareo avy amin'ilay ivelany, midina mankao amin'ny fanahy, mankao amin'ny aina. Ary raha tia an'izao tontolo izao ilay aina, dia maty izy. Tsy ahoako na ahoana no nanosorana azy, ny *eto* ivelany eto, na marina toy ny inona aza ny *eto* ivelany eto; *eto* ambany eto dia maty. "Fa izay tia an'izao tontolo izao na ireo zavatr'izao tontolo izao, dia tsy ao aminy akory aza ny fitiavana an'Andriamanitra," tsy mampaninona na mpivavaka toy ny ahoana aza.

<sup>115</sup> Ny Fanatatavanana marina, arak'izany, dia—dia hamoaka an'ireo zavatra rehetra ireo ary tsy mitondra afa-tsy ny fahamarinan'Andriamanitra, ny Teny, ao amin'ilay tena aina marina.

<sup>116</sup> Tahaka an'i Esao izy ireo, ny ety ivelany dia mety. Mpivavaka teo amin'ilay ivelany i Esao. Ary rehefa tonga teo amin'ny fivavahana izany, dia toy ny hoe mpivavaka lavitra noho i Jakoba izy. Toy ny hoe lehilahy tsaratsara kokoa noho i Jakoba izy, saingy ny tao anatiny, no naha-izy azy. Mpivavaka ivelany izy, saingy tsy voatatavana ny fisainany. Tsy nisaina tsara an'ilay fizokiana izy. Izy—izy dia tsy nisaina fa Andriamanitra, fa ilay fizokiana no nidika zavatra betsaka arak'izay nilazan'Andriamanitra azy fa naha-izy azy. Teo izy, nanao hoe, "Noana aho, inona no fahasamihafan'izany amin'ilay fizokiana tranaindy? Afaka mahazo an'izany ianao raha tianao izany." Oh, oadray! Hitanareo?

"Mandeha any am-piangonana aho; tena tsara tahaka anao mihitsy. Ny anaram-piangonako dia marina tahaka... Nahoana, izany no anankiray amin'ireo lehibe indrindra eto amin'izao tontolo izao. Nikambana tamin'izany ny reniko. Nikambana tamin'izany ny raiko. Ny rehetra amin'ity, itsy, sy ny *hafa*. Nianatra ny pasiterako; manana an'izao-sy-izao izy." Mametraka azy lavitra an'Andriamanitra betsaka izany. Tsy izany no fanatatavanan'ny lehilahy misaina iray.

Raha izany no izy, ahoana no nahafahan'i Petera ho eo amin'izay naha-izy azy, nefy tsy afaka nanao sonia ny anarany manokana izy? Fa naka an'ilay Fanatatavanana'ny lehilahy misaina izy. Mariho. Oh, oadray!

<sup>117</sup> Nihevitra i Esao fa io fizokiana io dia tsy nidika an'izay nolazain'Andriamanitra fa naha-izy azy. Izany ilay fahasamihafana eo amin'ny Fiainana sy ny fahafatesana. Ary toy izany koa, tahaka an'i Eva sy tahaka an'i Jodasy, izay nivarotra ny fizokiany mba ho fahafaham-pon'ilay tsiron'ny fahalalan'ny fandrosoana. Ho an'izany marina tokoa no nivarotan'i Eva

ny fizokiany. Namidiny ho an'ny tsiro kelin'ny siansa izany, tsiro kelin'ny fahalalan'izao tontolo izao, fiangonana kely iray tsaratsara kokoa, kilasin'olona iray tsaratsara kokoa, izany no iantsoana azy amin'izao andro izao. Hitanareo?

Ary nivarotra ny fizokiany tamin'ny volafotsy telopolo i Jodasy, ka nahazo dolara vitsy amboniny. "Afaka manakarama ahy tsaratsara kokoa eto ny fiangonanako, ka hitory eto fotsiny aho." Hitanareo? "Noho izany, raha lasa mpitoky teny iray aho, eny..."

<sup>118</sup> Hoy izy ireo hoe, "Rahalahy Branham, mino izahay fainty Hafatra ity no Fahamarinana, saingy tsy afaka manaiky an'Izany izahay. Raha nanaiky izahay, nahoana, dia aiza no hitorianay?" Hah! Izao tontolo izao, rahalahy, izany no paroasy. Izany tokoa. "Eny, tsy hisy anankiray amin'ireo rahalahy hanohana ahy." Izaho—izaho tsy manantena ny anankiray amin'ireo rahalahy hanohana ahy. Manantena an'i Jesosy Kristy hanohana ahy aho, satria Izy no nanohana an'Izany. Izy no ilay Anankiray Izay nilaza an'Izany.

<sup>119</sup> Ary rehefa ilay fizokiana marina, ilay Rà, no voatatavan'ny Teny; ka ny fahotana rehetra, sy izao tontolo izao, sy ny fiangonana, sy ireo anaram-piangonana, ary ny fanaovana sekta, dia tavela ety ivelany. Ny fianarana, ny fandrosoana, ny fiangonana, ny anaram-piangonana, ny rafitra, ny fahotana amin'ny karazany rehetra dia tavela ety ivelany rehefa mandray ny Fanatatavanan'ny lehilahy misaina iray ny lehilahy misaina iray, ao amin'ny fiheveran'Andriamanitra.

<sup>120</sup> Tsy misy na inona na inona tavela ao amin'izany rehefa ny lehilahy iray no misintona ny—ny fiainany mandalo ao amin'ny Fanatatavanan'Andriamanitra; mariho, tena voaloton'ny fahotana tanteraka ny fiainanareo eto, satria ianareo dia "teraka tamin'ny ota, notorotoronina tamin'ny heloka, tonga teto amin'izao tontolo izao niteny lainga."

Hilaza zavatra anankiray aho, tahaka ny fahazaran-dRahalahy McCullough miteny azy. Henoy aho.

<sup>121</sup> Rehefa tonga teto amin'ity izao tontolo izao ity ianareo, dia teraka tamin'ny ota. Tsy tonga niaraka tamin'ny anjara ady iray akory aza ianareo. Ianareo dia "teraka tamin'ny ota, notorotoronina tamin'ny heloka, tonga teto amin'izao tontolo izao niteny lainga," tao anatin'ny fanahinareo manokana tao, ny fanirian'ny ota, mpitika ota satria teraka tamin'ny ota ianareo. Tsy nanana anjara iray ianareo.

Fa tao anatinareo tao, tany ho any, indro tonga ianareo, dia nisy zavatra iray tao izay nanomboka nisintona. Raha nahafantatra ianareo, izany dia zavatra iray izay nilaza taminareo fa nisy Andriamanitra iray tany ho any; ary namaky Ny Teniny ianareo. Avy eo nalainareo ny fiangonana, nalainareo ireo heviny nefá efa nilazana

tsaratsara kokoa ianareo, tsy nampiasa ny Fanatatavanan'ny lehilahy misaina mihitsy ianareo tamin'izay fotoana izay. Fa rehefa mampiasa ny Fanatatavanan'Andriamanitra ianareo, izay ny Fanatatavanan'ny lehilahy misaina iray, satria, "Ny fanatatavanana hafa rehetra dia ho levona, fa ny Ahy tsy ho levona." Ary rehefa mandray ny Fanatatavanan'Andriamanitra ianareo ka misintonia ny fiainanareo, ireo fanirianareo; raha misintonia an'ireo fanirianareo mandalo ao amin'ny Fanatatavanan'Andriamanitra ianareo, Fanatatavanan'ny lehilahy misaina iray, dia tsy misy na inona na inona tavela afa-tsy ny Fanahy Masina.

<sup>122</sup> Ankehitriny, raha mila ny porofon'ny Fanahy Masina ianareo, dia io ilay izy. Rehefa hifanitsy amin'ny Tenin'Andriamanitra ny ainareo, amin'ny fankatoavana rehetra, dia izany no maneho fa notarihanareo nandalo tao amin'ilay Fanatatavanan'ny lehilahy misaina ny fiainanareo, ny Fanatatavanan'Andriamanitra.

<sup>123</sup> Mariho, izany ve no Fanatatavanan'Andriamanitra? Hoy Izy hoe, "Isika dia voasasan'ny ranon'ny Teny."

Ary rehefa nomen'Andriamanitra Fanatatavanana iray i Adama sy Eva, tao amin'ny sahan'i Edena, dia hoy Izy hoe, "Aza misintonia ny anankiray avy amin'ity eto ity." Fa nanao lavaka iray tao amin'Izany i Satana, nanao hoe, "Oh, bitika kely iray ilay izy, tsy hampaninona izany." Indray mitete fotsiny, no nandalo, izay fotsiny ihany no nilaina hametraka ny fahafatesana tao amin'ny taranak'olombelona.

<sup>124</sup> Izany ihany no nilaina, tsiron'ny nikotina anankiray fotsiny, dia vita ny amin'izy ireo.

<sup>125</sup> Tsy misy na inona na inona tavela afa-tsy ny Fanahy Masina.

<sup>126</sup> Ary amin'izay fotoana izay dia izany no maneho fa tao aminareo no nisy an'io voa voafidy mialoha io tao anatinareo tao, izay manao anareo ho noana an'Andriamanitra. "Izay rehetra nomen'ny Ray Ahy, nomena Ahy mba havotana; maty niaraka Tamiko teny Kalvary izy ireo; nitsangana niaraka Tamiko tao amin'ny fitsanganana izy ireo; izay rehetra Nomeny Ahy, no hanatona Ahy. Hapetraka ao amin'ilay Vatana izy ireo, eo amin'izay misy ny tongotra, ny sandry, ny orona, ny vava, na inona na inona ilay izy; hapetraka Ao izy ireo. Ary hanatona Ahy amin'ny fotoany izy ireo." Oh, oadray!

<sup>127</sup> Io ilay tena fitatavanana ny fahotana rehetra an'izao tontolo izao, ka ny fitiavana an'izao tontolo izao dia maty, ary zavatra anankiray ihany no tarihan'io aina io. Io ilay izy, aza... Tsarovy! Aza adino izany. Ianareo rehetra any ivelany any eo amin'ny telefona, ataovy ao an-tsainareo izany. Rehefa ny lehilahy misaina iray no manomboka misaina hoe hijoro

eo anatrehan'Iza izy, sy hoe inona ilay Tenin'Andriamanitra; rehefa manomboka misaina izy, amin'izay fotoana izay rehefa misintonia avy ao amin'Izany izy, dia tsy misy afaka mandeha ao afa-tsy ny Fanahy Masina.

Inona izany? Izany ilay tsimoka, voan'ny Teny hatrany am-piandohana, izay nisy anareo tao amin'Andriamanitra tany am-boalohany, mijoro eto misintonia an'ilay Ain'ny voa. Ilay voa dia ao am-ponareo, amin'ny alàlan'ny fanendrena mialoha. Haleloia! Ilay voa dia efa ao, tamin'ny alàlan'ny fahalalana mialoha an'Andriamanitra, voafidy mialoha. Ary rehefa misintonia izany, dia tsy afaka misintonia zavatra hafa afa-tsy ny Teny.

Ary amin'izay fotoana izay dia izany ilay tsiron'ny lehilahy misaina, ny lehilahy marina, ny lehilahy masina izay mahita ny Baiboly, hoe Jesosy Kristy no tsy miova omaly ary mandrakizay. Inona no miditra ao amin'io toerana ao ambany ao io? Ity Teny ity, izay ao anatin'ny fo. "Ato am-poko no nanafenako Ny Teninao, mba tsy hanotako manohittra Anao."

Inona izany, rehefa misintonia avy ao amin'ny Teny izy? Zavatra anankiray ihany no handalo eo amin'ilay Teny; izany dia ny Fanahy Masina. Izany no zavatra tokana izay afaka mandalo ao amin'ilay Teny, dia ny Fanahy Masina. Ary ny Fanatatavanan'ny lehilahy misaina iray no manome tsiro iray ho an'ny lehilahy masina iray.

<sup>128</sup> Amin'izay fotoana izay, dia nanandrana an'ireo zavatry ny Lanitra izy; manana ny Tenin'Andriamanitra ao am-pony izy. Hitany voasaho eo anatrehany Izany, ary voasarona ao anatin'Izany ny ainy manontolo, ka maty izao tontolo izao sy ny zavatra rehetra manodidina azy.

<sup>129</sup> Ny Fanatatavanan'ny lehilahy misaina iray, an'ny fivavahana; ary mieritreritra ny amin'ny fanatatavanana fivavahana aho ankehitriny. Rehefa ny Fanatatavanan'ny lehilahy misaina iray no manome ny tsiron'ny lehilahy masina iray, hitanareo, dia Izany no mahafa-po ny tsirony. Hitany fa Jesosy Kristy no tsy miova omaly, anio, ary mandrakizay. Izay ilay izy. Mahita Azy eo anatrehantsika mihitsy, manao an'ireo zavatra iray ihany izay Nataony; izany no mahafa-po ny tsiron'ny lehilahy masina, ny fisainany.

<sup>130</sup> Fantany amin'izay fotoana izay fa efa nafindra niala tamin'ny fahafatesana ho amin'ny Fiainana izy. Ary tiany, ary—ary—ary tiany mba ho izao tontolo izao... mba ho voamarina, ary tiany ny Teny mba ho voamarina sy nohamarinina. Ao amin'ny taona tsirairay dia miandry an'Izany izy, satria lehilahy masina iray izy ary manana faniriana iray hahita an'Andriamanitra. Ireo hafa dia te-hikambana amin'ny fiangonana fotsiny. Te-hahita an'Andriamanitra io lehilahy io. Tsy mahita Azy ao amin'ny

andiana fanekekem-pinoana iray izy. Tsy mahita Azy ao amin'ny orga goavana tsara misy fantsona izy, na katedraly, sy hazo fijaliana avo, na ireo mahay mamiratra miaraka amin'ny vozon'akanjony mivadika. Tsy mahita Azy ao amin'ny teolojia sy ao amin'ny teolojiana iray izy. Mahita Azy ao amin'ny fanamarinana Ny Teniny izy.

Nahita Azy tao amin'ireo afon-dasin'Izany aho.

Nahita ny voninahitry ny fihavian'ny Tompo ny masoko;

Manitsakitsaka an'ilay famihazana Izay izay itehirizana an'ireo voaloboky ny fahatezerana;

Novahany tamin'ny Sabany mahery sy mailaka ny tselatra voalahatra;

Mitohy mandroso Ny Fahamarinany. (Hitohy Izany, hatramin'ny farany. Eny, tompoko.)

<sup>131</sup> Hitanareo ve izay tiako ho lazaina? Fanatatavanana iray, lehilahy... Na, ny Fanatatavanan'ny lehilahy misaina iray; lehilahy iray izay te-hijoro ao amin'ny Fanatrehan'Andriamanitra. Inona no Fanatatavanan'Andriamanitra? Ny Teniny. "Amin'ny andro hihinanareo an'izany, amin'izay andro izay dia ho faty ianareo." Aza miraharaha an'izay mitranga eto ivelany eto; aza mandalo fotsiny an'ity Teny ity. "Voasasan'ny ranon'ny Teny," ny Fanatatavanan'ny lehilahy misaina iray. Tsy anaram-piangonana iray, tsy fanekekem-pinoana iray, tsy fiangonana iray, tsy katedraly iray; fa ny Fanatatavanan'ny lehilahy misaina iray, satria hotsaraina amin'ny alàlan'ny Teny ianareo. Hisaina an'izany ny lehilahy misaina iray. Ny lehilahy adala iray, na ny tsiron'izao tontolo izao, dia handray ny zavatra rehetra fotsiny, mpisolo iray. Nahoana no mpisolo nefá misy ny Anankiray tena izy?

<sup>132</sup> Eritrereto, eritrereto iray minitra fotsiny izany. Vehivavy iray no miteny amin'ny fiteny tsy fantatra, miaraka amin'ny volo tapaka sy manao lokomena, ary avy eo dia mbola mifikitra amin'izany ilay fiangonana, hoe izany no porofon'ny Fanahy Masina.

<sup>133</sup> Na mpitory teny iray avy amin'ny seminera iray na sekoly Biblika iray, mampiasa ny batisa triniterana, na manao marimaritra iraisana amin'ny Teny, ho an'ny fanekekem-pinoana na anaram-piangonana iray. Izany ve no Fanatatavanan'ny lehilahy misaina iray? Tsy izany no fomba ahitako azy, rahalahy. Lehilahy adala iray no misintona avy ao amin'izany. Marina izany. Azonareo eritreretina ve izany? Raha tokony hampiasa ny Tenin'Andriamanitra ho Fanatatavanana iray ho an'ny ainy; dia mamela fanekekem-pinoana sy anaram-piangonana

ratsy hitontona eo an-tampony tahaka an'izany, raha tokony handray ny Tenin'Andriamanitra ho Fanatatavanana iray. Ary amin'izay fotoana izay dia lò tanteraka izy, ary hamela azy ireo hanatsofoka foto-pampianaran'olona ao aminy, manao an'ireo zavatra izay, "saiky hamitaka an'ilay tena Voafidy," nefà manao tsirambina ny Teny.

Nefa, afaka nisintonà ho an'ny ainy manokana izy, raha mba nisy zavatra iray nisintonà tao. Fa raha io voa voafidy mialoha io... Aza diso an'ity. Raha tsy ao io voa voafidy mialoha io, dia tsy hisintonà avy Ao izany, satria hisintonà ho an'ny faniriany izany.

<sup>134</sup> Raha ny lehilahy mifoka iray no mila tsiron'ny lehilahy iray mifoka, ary raha nihazona tapa-kazo iray izy... Hoy aho hoe, "Tsentsafo ny rantsan-tànanao," ary nitsangana teo izy nitsentsitra ny rantsan-tànany. [Mitsentsitra ny rantsan-tànany Rahalahy Branham, mba hanazavana—Mpand.]

<sup>135</sup> Nahoana, hilaza izy hoe, "Hadalana izany." Nahoana? Ho an'ny nikotina ny tsirony. Noho izany, tsy lehilahy misaina iray izy. Hitanareo? Fa hoy ianareo hoe, "Eny, izaho tsy, tsy hanandrana na inona na inona. Izaho dia te-hanandrana ny... Izaho dia te-hanandrana paraky. Tsy manandrana zavatra iray aho."

<sup>136</sup> Omeo fihazonan-damba iray izy ary avelao hitsentsitra an'izany. Hitanareo? Azo antoka, avelao hitsentsitra an'izany izy. Hoy izy hoe, "Tsy manandrana na inona na inona aho." Inona no hitsentsafanareo an'ilay izy, raha izany? Manana faniriana hanandrana nikotina ianareo.

Ary rehefa mitsentsitra fanekem-pinoam-piangonana iray ianareo, nefà ianareo vehivavy mbola mitondra volo tapaka, miloko tarehy, ary mitafy mampitanjaka; ary mijery azy ireo ianareo lehilahy, sy ireo zavatra hafa rehetra ireo, ary manohy ny fomba izay ataonareo. Inona izany? Inona no ao anatin'y ao? Mbola ao anatin'y ao izao tontolo izao, ary nahazo tsiro iray ianareo. Voatarika tao amin'izany ianareo ho an'ny tsiro iray.

<sup>137</sup> "Mandeha any amin'ity fiangonana ity aho; tsy miteny an'izany zavatra izany mihitsy izy ireo. Tsy milaza na inona na inona mikasika an'ity izy ireo, tsy misy na inona na inona mikasika an'itsy. Tsy misy anankiray amin'ireo zavatra ireo mba ampianarina. Ny mpitoky teninay dia malala-tsaina mihoatra an'izany. Tsy milaza zavatra tahaka an'izany izahay." Inona izany? Manana ny tsiron'izao tontolo izao izay tsentsafinareo ianareo. Marina!

<sup>138</sup> Fa ny vehivavy misaina iray dia tsy haka an'izany karazan-javatra izany. Fantany fa tokony ho masina izy. Ary ny zavatra tokana izay hahafahanareo misintonà avy amin'ny Tenin'Andriamanitra dia ny Fanahy, ilay Hery mamelembelona mba hanao ny Teny Izy tenany, izay ao anatinareo, ho

velona mba haneho an'i Jesosy Kristy ao amin'ilay taona izay iainanareo. Haleloia! Raha tsy izany no Fahamarinana, dia tsy fantattro hoe inona no Fahamarinana. Very saina aho raha tsy izany no Fahamarinana.

<sup>139</sup> Izany no Teny Izy tenany izay ao am-ponareo, voafidy mialoha ao, izay misintona. Ary handò an'izao tontolo izao izany; tsy ilainy izany. Fa rehefa tonga eto izany ao amin'ny Teny, dia manomboka misintona. Ary rehefa misintona avy ao amin'ny Teny izany, dia tsy mety ho hafa afa-tsy ny Fanahy Masina izay hamelombelona an'io Teny io.

<sup>140</sup> Noho izany ny Fanatatavanan'ny lehilahy misaina iray, mpivavaka iray dia ny Teny, ary izany no mahafa-po an'io tsiro masina izay ao am-pony io; ny fanatatavanan'ny lehilahy misaina iray, ny tsiron'ny lehilahy masina iray. Oh, oadray, izany no idirantsika!

<sup>141</sup> Raha tokony hampiasa ny Fanatatavanan'Andriamanitra ho an'ny ainy, dia i Satana no avelany hamitaka azy amin'ny alàlan'ny anaram-piagonana na fanekekem-pinoana iray, tahaka ny amitahan'ireo orinasan'ny paraky anareo olona izay mifoka sigara marina mihitsy. Mahazo mambra betsaka fotsiny ianareo, dia izay ihany.

Oh, mamelà ahy hamarana ao anatin'ny minitra vitsy, eo am-pilazana an'izao.

<sup>142</sup> Laodikia jamba! Jamba toy ny ahoana isika! Laodikia jamba, ilay mpitarika ny jamba an'izao taona izao, eo ambanin'ny antony sandoka, eo ambanin'ny fanekekem-pinoana sandoka, eo ambanin'ny dogma izay sandoka, eo ambanin'ny anaram-piagonana izay sandoka, eo ambanin'ny bokin'ny fanekekem-pinoana izay sandoka. Oh, Laodikia jamba, mitarika ny jamba, hiafara ao amin'ny hantsana ianareo rehetra!

<sup>143</sup> Ovay ny fatatavananareo izao hariva izao, ry mpitory teny. Aza misintona an'io nikotina ara-anaram-piagonana io ho ao anatin'ny rafitrareo, an'ny dogma sy fanekekem-pinoana, fa hoy Jesosy hoe, "Na iza na iza hanampy teny iray amin'Izany, na hanaisotra Teny anankiray avy amin'Izany." Rehefa miteny amin'ny fiangonanareo ianareo hoe mety ho an'ireo vehivavy ireo ny manao an'itsy, sy ireo lehilahy ireo manao an'itsy, ary ireo zavatra rehetra ireo, itsy sy ny hafa; raha mbola mijanona marina amin'ity sy manao an'itsy foana izy ireo, ka mitandrina an'ireo fanekekem-pinoana sy ny sisa ireo, tsy menatra ny tenanareo ve ianareo?

"Fariseo jamba," hoy Jesosy.

<sup>144</sup> Ary tahaka ny niantsoantsoan'i Jesosy hoe, "Fariseo jamba," no iantsoantson'ny Fanahy Masina ato am-poko manokana izao hariva izao hoe, "Laodikia jamba! Impiry moa Andriamanitra no te-hanome anareo fifohazana iray! Fa tonga ny oranareo ankehitriny; efa tara loatra ankehitriny.

Toy ny ahoana no nihomehezanareo sy nanesoinareo an'ireo olona izay nirahin'Andriamanitra teo aminareo! Fa tonga ny oranareo ankehitriny. Oh, ry Etazonia, ry Etazonia, impiry moa Andriamanitra no te-hanomba anareo toy ny—ny fanomban'ny reniakoho ny zanany, saingy tsy nety ianareo.” Ankehitriny izao Feo izao dia handeha hitety morontsiraka, avy any avaratra hatrany atsimo, sy atsinanana hatrany andrefana. Impiry moa Andriamanitra no te-hanomba anareo, saingy tsy nety ianareo! Ankehitriny dia tonga ny oranareo.

<sup>145</sup> Rava ireo firenena. Vakivaky izao tontolo izao. Ny ampahany dimanjato sy arivo maily avy amin'izany, telo-na efajato maily ny sakany, dia hilentika, zato...na angamba efapolo maily any ambanin'io tataka lehibe any io, indray andro any, ka hipoaka tanteraka hatraty amin'ny fanjakan'i Kentucky ireo onja. Ary rehefa izany, dia hanozongozona mafy an'izao tontolo izao izany ka hihintsana ny zavatra rehetra eo an-tampon'izany.

<sup>146</sup> Oh, afeno ao amin'ilay Vatolampin'ny taona aho! Andriamanitra, avelao aho, avelao aho. Tsofy aho, Tompo. Ry Fanahin'Andriamanitra velona, tsofy aho. Avela aho handray ny Fanatatavanan'Andriamanitra ary hiaina eo ambanin'Izany, Tompo. Avelao aho hisintona an'ilay rivotra madio an'ny Fanahy Masina ho ao amin'ny avokavoko, ao amin'ny aiko isan'andro, mba tsy hanotako manohitra Anao, O Tompo. Tsofy aho, Fanahy Masina, tsofy aho! Izaho...

<sup>147</sup> Avelao aho hamboly ny Tenin'Andriamanitra ao am-poko, ary hikasa ao fa tsy hitodika any amin'ny ankavanana na any amin'ny ankavia aho, hanalavitra an'Izany, fa hiaina marina amin'Izany amin'ny androm-piainako rehetra. O Andriamanitra Ray, avy eo dia ampidino eo amiko ny Fanahy Masin'ny Aina, mba hamelombelona amiko an'ireo Teny ireo, mba hahafahako maneho an'i Jesosy Kristy eo anatrehan'ireo izay eo anoloako, mba hanantena an'izany hitranga. Izany no fivavahako.

<sup>148</sup> Oh, oadray! Mariho hoe ahoana no ataon'izy ireo ao amin'ireo fiangonana ireo amin'izao andro izao. Mitsentsitra ny olona amin'ny alàlan'ireo fanatatavanana ara-anaram-piangonana ireo, ho ao amin'ilay fiombonambe ekiomenika. Nahoana? Nahoana? Satria izany no manome azy ireo ny fanirian'ny fony, rafi-pandaminana. Manana tsiro iray ho an'ny rafi-pandaminana izy ireo. Hanao an'izany izy ireo.

<sup>149</sup> Nandefia fifohazana iray ho azy ireo isan'andro Andriamanitra, nefia, izy ireo, inona no nataony? Nandrafitra an'izany izy ireo. Marina ve izany? Noho izany dia manana ny karazan'ny fanatatavanany izy ireo, satria manana tsiro lehibe iray. Ary ankehitriny Andriamanitra dia hanome azy ireo ny fanirian'ny tsirony. Izy dia hanome azy ireo...Mitsentsitra

azy ireo mihitsy ho ao amin'ilay fiombonambe ekiomenika izy ireo, ary avy eo dia manana ny tsirony ara-rafi-pandaminana amin'izay fotoana izay. Ho hitan'izy ireo tonga izany.

<sup>150</sup> Oh, ry fiangonan'i Laodikia, aza mety ho voafitaka ao amin'izao taona izao, amin'ny alàlan'ireo famitahany. Oh, ry Pentekosta, ianao izay efa nuditra tao Laodikia, ianao izay ampanhan'i Laodikia, maty ilay fiangonana; manerana ny Metodista, Batista, ary Presbyterana, endrika fombam-pivavahana iray fotsiny. Fa ianareo Pentekotista izay mbola afaka miteny indray mandeha hoe "amena"; izay afaka mitendry mozika betsaka eo amin'ny lampihazo iray, ary manana an'ireo vehivavy mitapa-bolo mandihy manerana ny toerana rehetra, nefo mbola mino ny fanasitranganana avy amin'Andriamanitra foana; impiry moa Andriamanitra no te-handray anareo, saingy naka fanatatavanana hafa iray ianareo, fanatatavanana ara-anaram-piangonana iray. Impiry moa Andriamanitra no te-handray anareo!

<sup>151</sup> Mamitaka toy ny ahoana ilay izy! Matio 24:24, Jesosy no nilaza fa ilay... "Hamitaka ny tena Voafidy izany raha azo natao." Akaiky toy ny ahoana ianareo, tahaka an'i Eva mihitsy, nanala zavatra kely iray na roa fotsiny izay tsy tianareo ho raisina, satria voarafitra ianareo ka tsy afaka nandray an'Izany. Izay ihany no ilaina. Tokony ho naka tsara fotsiny an'ilay zavatra manontolo, "Fa izay diso amin'ny kely, dia meloka amin'ilay manontolo." Oh!

<sup>152</sup> Ry Pentekosta, ry Pentekosta, ampandalovy ao amin'ny Fanatatavanan'Andriamanitra ny fisainanao, fa tsy amin'ny nofin'anaram-piangonanao, dia hivoaka miaraka amin'ny tsiron'ny lehilahy masina iray ianao, ny batisa marina an'ny Fanahy Masina.

<sup>153</sup> Azonareo eritreretina ve ny lehilahy iray mamela ny vadiny hanapaka ny volony, hanao sorta, na hanao kilaoty kely, nefo dia hilaza fa nandalo tao amin'ny Fanatatavanan'ny lehilahy misaina iray izy? Azonareo eritreretina ve ny lehilahy iray manao zavatra tahaka an'izany?

<sup>154</sup> Azonareo eritreretina ve ny mpitoky teny iray mitsangana eo amin'ny polipitra, satria voakarama tsaran'ny fiangonana iray izy izay mikapokapoka azy ao amin'ny lamosina, miantso azy hoe, "Dokotera, Rahalahy, Revera," nefo mitondra azy any amin'ireo karazana fety rehetra izay iarahan'izy ireo mandro, sy ny zavatra hafa rehetra, eo amin'ny tora-pasika; azonareo eritreretina ve ny lehilahy iray mihambo fa nandalo tao amin'ny Fanatatavanan'ny lehilahy misaina iray izy?

<sup>155</sup> Ary ny sasany amin'ireo vehivavy eny amin'ny lampihazo, miaraka amin'ireo akanjony eny ambonin'ny lohaliny, ary tena tery ka mampiseho ny vatany rehetra, ny hetsika rehetra ataony, sy ireo atin'akanjony dia voaseho avy eo amin'ireo

akanjony; ratsy noho ny manao sorta mihitsy, bikinis, na zavatra hafa. Ianareo Pentekotista, jamba, mpitory teny Laodikiana, mandra-pahoviana no hiaretan'Andriamanitra aminareo, tsy fantatro. Aoka... Andriamanitra anie hamindra fo amin'ny—amin'ny masonareo jamba. Manana odi-maso Izzy izao hariva izao, mba hanokatra ny masonareo, mba hahafahanareo mahita.

<sup>156</sup> Araka ny nolazaiko aninkeo maraina, eo amin'ny taonan'ny fahitana isika izao, ilay tampony. Tsy misy fahafahanana intsony ankoatran'iо, izay hahafahanareo hihetsika ety ivelany, mba hahafantatra. Ianareo, avy eo amin'ny oronareo, dia afaka manimbolo ianareo; avy eo amin'ny molotrareo, dia afaka miteny ianareo; avy eo amin'ny tanganareo, dia afaka mahatsapa sy manakatra ianareo; ary ny tongotrareo, sy ny sisa; fa tsy afaka mandeha lavitra kokoa ankoatry ny masonareo ianareo.

<sup>157</sup> Tonga i Malakia 4; fahitana! “Ary hisy Hazavana amin’ny andro hariva.” Oh, mandehana ao amin’ilay Hazavana!

Handeha ao amin'ny Hazavana isika,  
Hazavana iray mahafinaritra,  
Izay tonga eo amin'izay amirapiratan'ireo  
andon'ny famindrampo;  
Mamiratra manodidina ahy andro  
aman'alina,  
Jesosy, ilay Teny, no Hazavan'izao tontolo  
izao.

<sup>158</sup> Eny, tompoko. Mandalova ao amin'Izany, oh, rahalahy, dia hivoaka miaraka amin'ny tsiron'ny lehilahy masina iray ianareo, miaraka amin'ny Fanahy Masina.

<sup>159</sup> Oh, ry vehivavy, ampandalovy fotsiny ny fisainam-piakanjonareo moderina. Ampandalovy ny fisainanareo moderina, alohan'ny andehananareo eny an-dàlambe eo anoloan'ny lehilahy; ianareo vehivavy tanora, ianareo vehivavy antitra, alohan'ny handehananareo eny an-dàlambe miaraka amin'ny akanjonareo tena tery, mibontsina ny aoriania sy aloha. Tsy mitsikera aho. Anadahinareo aho. Mitsangana eo anelanelan'ny velona sy ny maty aho, ary mahalala an'izay lazaiko. Alohan'ny hivoahanareo, ka fantatrareo fa ny vatanareo dia entana masina iray, na fitoeran'entana masina iray izay nomen'Andriamanitra anareo; alohan'ny hidiranareo eny an-dàlambe, miakanjo tahaka an'izany, dia ampandalovy ao amin'ny Fanatatavanan'ny vehivavy misaina iray ny sainareo. Ary aoka ho tsaroana izao, hoe, “Na iza na iza mijery anareo ka mila anareo, dia efa nijangajanga taminy sahady ianareo.” Tsarovy izany, ranabavy.

<sup>160</sup> Ary, ry rahalahy, alohan'ny hanodinanareo ny lohanareo hijery azy, eo amin'io topi-maso faharoa io, dia ampandalovy

ao amin'ny Fanatatavanan'ny lehilahy misaina iray ny sainareo. Hivoaka miaraka amin'ny tsiron'ny lehilahy masina iray ianareo, hitanareo, amin'ny fanaovana izay tsara.

<sup>161</sup> Mariho, raha ampandalovinareo ao amin'ny Fanatatavanan'ny vehivavy misaina iray ny sainareo, dia hivoaka miaraka amin'ny akanjon'ny vehivavy masina iray ianareo. Marina izany. Hivoaka ianareo, rahalahy, miaraka amin'ny fijerin'ny lehilahy masina iray. Ankehitriny, zavatra anankiray fotsiny izany.

Ny zavatra rehetra izay ataonareo, dia ampandalovy ao amin'ny Fanatatavanan'ny Tenin'Andriamanitra izany, jereo raha tsara ilay izy na ratsy.

<sup>162</sup> Hivoaka miaraka amin'ny akanjon'ny vehivavy masina iray ianareo, miaraka amin'ny volo lava, miakanjo maochina; fanahy milamina, manetry tena; fa tsy mitroatra sy mifamaly, sy miady ary fahadalana. "Fanahy milamina, malemy, izay harena lehibe avy amin'Andriamanitra." Niteny an'izany ny Baiboly.

Ankehitriny te-hanontany zavatra iray aminareo aho, ianareo any ivelan'ny firenena. Hamarana ao anatin'ny minitratrity vitsy isika.

<sup>163</sup> Ankehitriny ndao isika rehetra, izao hariva izao, hanamarina ny fanirantsika, ary amin'izay fotoana izay dia afaka mahita ianareo hoe karazana fanatatavanana inona no nisintonana anareo. Ndao isika hanamarina, ny tsirairay avy amintsika, eto sy any ivelany manerana ny firenena. Amarino ny fanirianareo, inona marina no ilainareo amin'ny fiainana. Amarino hoe ho an'ny inona no iadianareo. Amarino hoe ho an'ny inona no maha-eto anareo. Amarino hoe ho an'ny inona no andehananareo aty am-piagonana. Inona no manao anareo... Tsara ny mandeha aty am-piagonana, saingy aza mandeha aty am-piagonana fotsiny ihany; tsy hahavonjy anareo izany. Hitanareo? Amarino minitratrity vitsy fotsiny, manao hoe, "Ny tanjoko ve... Inona—inona no karazana fanatatavanana izay sintoniko, raha izany?"

Ary raha tsy hilahatra amin'ny Tenin'Andriamanitra ianareo, ka tsy manao an'izany ny ainareo, amin'izay fotoana izay dia misy zavatra tsy mety ao; satria izany no mampiseho ny tsironareo, hoe ilay aina...karazana aina inona no ao anatinareo. Raha masina iray izany, mahatam-bava, mendri-kaja, dia ho tahaka an'izany no hivoahany. Raha tsy izany ilay izy, dia manana tsiro hafa iray ianareo ao anatinareo izay nisintonanareo. Tena marina tokoa izany.

Ary raha ny Tenin'Andriamanitra sy ny sitrapon'Andriamanitra ilay tsiro, amin'izay fotoana izay dia ho fantatrareo izay ao anatinareo, izay misintonan'ny an'ilay tsiro. Izany no mampiseho fa ampanahany io Teny io ianareo. Ao anatinareo io Teny io, misintonan'ny avy amin'ny Teny.

<sup>164</sup> Inona no sintonin'Izany? Izany dia misintona avy ao amin'ny Teny, satria ampanahany Vatan'i Kristy an'izao taona izao ianareo. Ary raha ao anatinareo io Teny io, dia afaka misintona fotsiny avy ao amin'ny Teny Izany, ilay Fanahy izay mamelembelona an'io Teny izay ao anatinareo io. Raha ny Teny irery fotsiny ihany dia tsy ho velona. Izay no antony hoe, "Izay rehetra nomen'ny Ray Ahy no hanatona Ahy; ary raha hakarina Aho, dia hisintona ny olona rehetra ho eo Amiko Aho." Hitanareo? Hitanareo, "ny Ray," ilay ampanahany Vatan'i Kristy izay eto amin'izao tontolo izao, voafidy mialoha, napetraka ao anatin'ny fo.

<sup>165</sup> Ny olona rehetra izay tena Kristiana, nateraka indray amin'izao andro izao, dia mahafantatra, hatramin'ny nahe-zaza kely azy, na zazavavy kely, ny iray amin'ireo, fa nisy zavatra tao anatinareo izay noana an'Andriamanitra. Ary niezaka nikambana tamin'ireo fiangonana sy ny zavatra hafa ianareo; tsy nety ilay izy. Inona izany? Io Teny io izany. Nikaroka Fanatatavanana iray ianareo. Ary indray andro dia nanjelatra teo anoloanareo Izany; nahita ianareo fa Jesosy Kristy no tsy miova omaly, anio, ary mandrakizay. Izany no nahafa-po an'ilay tsiro. Hitanareo?

Satria, tao anatinareo ny aina, nisintonia. Hitanareo, nisintonia ilay aina tao anatinareo. Izany dia—izany dia milaza hoe faniriana inona no anananareo ato. Misintonia ianareo. Ianareo tsy afaka misintonia avy amin'ity, sy itsy, ary ny hafa. Tsy maintsy mahita an'ilay Fanatatavanana marina ianareo, satria olona misaina iray. Hitanareo?

<sup>166</sup> Raha olona misaina iray ianareo, dia voafidy mialoha, na voatatavana talohan'ny...hatrany alohan'ny fanorenana an'izao tontolo izao.

<sup>167</sup> Ary raha mandre an'izao ny mpitoritenin'anaram-piangonana iray, dia manantena aho fa haka an'ilay Fanatatavanan'ny lehilahy misaina iray izy, raha mpitoritenin'anaram-piangonana iray. Amin'izay fotoana izay dia hatsipiny io fonosan'anaram-piangonana io izay azo antoka fa ho levona, satria tenin'olona izany; ary hanaiky ny Tenin'Andriamanitra voatatavana izay tsy mety ho diso mihitsy na ho levona, ary ho sahaza ny tsiron'ilay lehilahy masina Izany. Ary, tahaka an'i Jakoba, dia hahafoy an'izao tontolo rehetra izao sy ireo fanirian'ny anaram-piangonana rehetra na ny laza, izay misy eto amin'izao tontolo izao, izay hahatonga anareo ho eveka, kardinaly, na hahatonga anareo ho lehiben'ny presbytera, na pasiteran'ny fiangonana malaza iray. Hafoinareo ny zavatra rehetra izay misy. Tsy tahaka an'i Esao, mba ho lasa ampanah'izao tontolo izao; fa tahaka an'i Jakoba, homenareo ny zavatra rehetra izay anananareo mba hahazoana an'ilay fizokiana, ilay Fanatatavanan'ny lehilahy misaina; satria Izany no hanome anareo ny tsiron'ny

lehilahy masina. Ary hahafa-po Izany. Ary izany no hahafa-po, sy hanamasina amin'ny tsiro Mandrakizay an'ny fahatsaram-panahy masina an'Andriamanitra.

<sup>168</sup> Tsarovy, Satana no nanisy an'ilay lavaka voalohany teo amin'ny sain'i Eva, na ny fisainany, mba hamela an'ilay tsiron'ny fahendreny sy fahalalany handalo tao.

<sup>169</sup> Ankehitriny eritrereto izao. Hamarana aho. Satana no nanao an'ilay lavaka voalohany nandalo tao, satria ny Teny ihany no azony nosintonina. Izany dia ilay Fanahy avy tao amin'ny Tenin'Andriamanitra, satria hoy izy hoe, "Raha mbola misintona avy ao amin'io Fanatatavanana io foana ianareo, dia tsy ho faty mihitsy; fa raha maka fisintonana iray avy amin'ity eto ity ianareo, dia ho faty." Hitanareo?

<sup>170</sup> Ary hoy i Satana hoe, "Fa tsy misy na inona na inona fantatrao eto. Fa mandraisa tsiro kely iray avy amin'ity eto ity, dia hahafantatra ianao amin'izay fotoana izay; ho tahaka an'Andriamanitra ianao. Hitanao, mahafantatra ny tsara sy ny ratsy Izy; ianao tsy mahafantatra. Ka raha haka tsiro kely avy amin'ity ianao." Dia navelany hanao lavaka iray tao amin'izany izy, lavaka kely anankiray fotsiny.

<sup>171</sup> Ankehitriny dia hitanareo hoe nahoana aho no milaza... Hoy ianareo hoe, "Nahoana ianao no tsy mampianatra an'ireo vehivavy, sy ny sisa, hoe ahoana no hahazoana an'ireo fanomezam-pahasoavana sy ny sisa tahaka an'izany?"

<sup>172</sup> Hoy aho hoe, "Ahoana no ahafahanareo mampianatra azy ireo ny alzebra nefo tsy hianatra akory ny ABD-ny aza izy ireo?"

Lavaka kely anankiray fotsiny no nilain'izany. Nalainy ny fahendren'izao tontolo izao, ary, rehefa nalainy izany, dia izany no nametraka ny fahafatesana teo amin'ilay fianakaviana manontolo, te-hanandrana fahendrena.

<sup>173</sup> Ankehitriny jereo ilay fanatatavanana, ary maneho marina tokoa ny tsirony izany. Ny tsirony dia ho an'izao tontolo izao; izany no azony. Izany ilay izy amin'izao andro izao. Tia an'izao tontolo izao sy ireo zavatr'izao tontolo izao izy ireo, miaraka amin'ny endriky ny toe-panahy araka an'Andriamanitra, nefo mandà ny Heriny. Hitanareo, hamela azy ireo hiteny amin'ny fiteny tsy fantatra i Satana; hamela azy ireo hiantsoantso izy; hamela azy ireo hahazo ny asam-panasitranana avy amin'Andriamanitra izy; hamela azy ireo hanao an'ireo karazan-javatra rehetra ireo izy.

<sup>174</sup> Hoy Izy hoe, "Maro no hanatona Ahy amin'izany andro izany, ka, 'Tompo, tsy efa nandroaka devoly ve aho, tsy efa nanao zavatra maro ve aho, nanao an'ity?'" Hilaza Izy hoe, "Tsy Fantatro akory aza ianareo, ianareo mpanao meloka." Rehefa napetraka teo anoloanareo mihitsy ny Teny ka mbola

nitsentsitra an'io fanatatavanana ratsy an'izao tontolo izao io foana ianareo, hitanareo, izany no maneho an'ilay tsiro izay ao anatin'ny fo.

<sup>175</sup> Tsy afaka mihinana fatim-biby ny voromailala. Tsy afaka mihinana an'izany izy ireo. Tsy manana afero iray izy ireo. Ny goaika iray dia afaka mihinana ny voa tahaka ny voromailala iray ary afaka mihinana fatim-biby tahaka ny goaika iray, hitanareo, satria mpihatsaravelatsihy iray izy. Fa ny voromailala iray dia tsy namboarina tahaka ny biby hafa rehetra, ary izany no antony nanehoan'Andriamanitra ny Tenany ho toy ny Voromailala iray nidina avy tany An-danitra. Hitanareo? Izy dia tsy afaka—izy dia tsy afaka mahatanty ny hamaimbon'ny fatim-biby iray. Tsy voltora iray izy; ny antony, tsy manana afero iray izy. Tsy afaka mandevona an'izany izy. Hamono azy izany, raha mihinana an'izany izy.

Ary tsy mila mandro mihitsy ny voromailala. Ny vatan'ny voromailala iray dia mamoaka menaka avy ao anatin'y, izany no mitahiry azy hadio. Aina iray izay ao anatin'ilay voromailala izany; izy no mamokatra ao anatin'y menaka iray izay mitahiry ny volony hadio. Ary toy izany koa ny Kristiana iray; misy Aina iray ao anatin'izy ireo izay mitahiry azy ireo hadio. Voatatavana Izany.

<sup>176</sup> Oh, mariho! Ankehitriny jereo izy...ilay fanatatavanana, ary afaka mahita tokoa an'ilay tsirony ianareo, ny amin'izay ataon'izy ireo amin'izao andro izao.

<sup>177</sup> Jereo io fiangonana moderina io. Jereo ny fanatatavanan'izy ireo. Afaka mahita an'izay tian'izy ireo ianareo. Jereo izay ananan'izy ireo. Ny fitiavana, inona no tian'izy ireo? Ramatoakely Laodikia izay miafara any amin'ny Fitsaran'Andriamanitra. Marina izany. Ny fitiavana, ny fitiavan'ny fiangonana amin'izao andro izao dia ho an'i Laodikia, rafi-pandaminana lehibe iray, fanorenana lehibe iray, zavatra lehibe iray, malaza, olona tsara akanjo, voakolokolo avo, feno fahendrena, feno devoly, eo ambanin'ny famitahana hoe fiangonan'i Kristy. Teny anankiray ihany sisina tokony hisy ao, "anti-Kristy." Satria, ny zavatra rehetra izay nampianarin'i Kristy, dia saiky toherin'izy ireo ny zavatra rehetra; marina, ampy mihitsy mba hahafahan'izy ireo miantsy ny tenany ho izany.

<sup>178</sup> Ankehitriny raha olona misaina iray ianareo izao hariva izao, eto sy ny any ivelan'ny firenena izay handehanan'ny Hafatra, ny faniranareo dia ho ny tsiron'ny Baiboly, fa tsy ny tsiron'anaram-piangonana, satria hotsaraina amin'ny alàlan'ny Baiboly mihitsy ianareo, ny Teny izay angatahako mba hanatatavananareo ny ainareo. Fa ny mandà ny Teny anankiray an'Izany, ka tsy mamela ny ainareo handalo ao

amin'izany Teny anankiray izany, dia ho lavina ianareo. "Fa ny olona dia tsy hivelona, hisintona, amin'ny mofo irery ihany, fa amin'ny Teny rehetra izay aloaky ny vavan'Andriamanitra."

<sup>179</sup> Ho entina hiditra ao aminareo Izany, voafidy mialoha. Ary rehefa mitsoka eo aminareo ny Tompo, dia Ny Fanahiny no hamelombelona an'izany Teny izany ho zava-misy iray, ary ho hitanareo fa Jesosy Kristy no tsy miova omaly, anio, ary mandrakizay. Oh, oadray!

<sup>180</sup> Ilaozy ny anaram-pianganan'izao tontolo izao, fonosam-pivavahana. Avelao izy hipetraka tahaka an'ilay fonosan-tsigara tany anaty ala. Avelao izy ho lò sy hihalevona. Izany no—izany no fanatatavanana ratsy. Ary raiso ny Teny, dia Kristy, izay manome, sy manakatra, ary mitahiry ny tsiron'ny Fiainana Mandrakizay, ho an'ny olona rehetra izay handray Azy, Fiainana Mandrakizay.

<sup>181</sup> Ny Teny, raha voafidy mialoha ianareo, dia hitanareo Izy. Tsy misy fomba hanafenana Azy aminareo. Mijery eo ianareo ka manao hoe, "Nahoana, tena mazava mihitsy teo anoloan'ny tavako Izany! Nijery Azy aho; io Izy. Mijery Azy mihitsy aho. Hitako Izy. Inty Izy, ny Teny; ny Teny rehetra, Teny amin'ny Teny mihitsy, miseho." Amin'izay fotoana izay dia misy ny tsiron'ny Fiainana Mandrakizay izay ilainareo.

Ary rehefa misintona avy amin'Izany ianareo, inona no afaka mandalo amin'Izany, ny Fanatatavanan'Andriamanitra? Tsy misy afa-tsy ny Fanahy; tsy misy izao tontolo izao, mihitsy; tsy misy tsy finoana, mihitsy. Izany no Fanatatavanan'Andriamanitra. Ary rehefa misintona avy amin'Izany ianareo, dia tsy misy na inona na inona afaka mivoaka avy amin'Izany afa-tsy ny Fanahy Masina.

<sup>182</sup> Ankehitriny dia manana ny porofon'ny Fanahy Masina ianareo, hitanareo, ny tsiron'ny lehilahy na vehivavy masina iray. Te-ho velona izy ireo. Manana ny Fiainana Mandrakizay izy ireo. Ary satria ity Teny ity no mamelembelona azy ireo, dia velona izy ireo; ny Fanatatavanan'ny lehilahy misaina iray, sy ny tsiron'ny lehilahy masina iray.

<sup>183</sup> Aza maka an'izao tontolo izao, tahaka an'ireo orinasan'ny sigara ireo, eo ambanin'ny famitahana iray, fa raiso ilay tena Fanatatavanan'ny lehilahy misaina. Tatavano ny fofon'aina izay sintoninareo, ny sakafotra izay haninareo, ny zavatra rehetra izay maha-izy anareo; sintony avy amin'ny Tenin'Andriamanitra izany, dia hanana ny tsiron'ny lehilahy masina iray ianareo. Satria, Izy no hamokatra an'izany, satria Izy no tsy miova omaly, anio, ary mandrakizay.

<sup>184</sup> Ary fantattro, na izy isika na tsy izy... Mino aho fa izy isika. Fa, raha tsy izy isika, dia misy olona any amin'izao tontolo izao any amin'izao andro izao izay ampanhan'ny Vatan'i

Kristy; ary hivelona amin'ny Tenin'Andriamanitra irery ihany Izany, ny Teny rehetra izay aloaky ny vavan'Andriamanitra ho an'izao taona izay iainantsika ankehitriny izao.

<sup>185</sup> Ary tsy mety mahita aho hoe aiza ny anaram-piangonana.... Ireo Teny tena mazava ao amin'ny Baiboly, dia nilaza fa hitranga izany, sy ireo zavatra izay hisy, ary indro miaina ao amin'izany mihitsy isika ankehitriny. Tsy mety mahita aho hoe aiza no mety hisian'ny zavatra hafa afa-tsy izao.

<sup>186</sup> Ry fiangonana, fantattro fa tsy maintsby hitsangana miaraka aminareo aho ao amin'ny Fitsarana indray andro any. Lavitra ahy ny mba hiteny aminareo zavatra diso iray, ho an'ny laza. Tsy mila an'izany aho. Raha nanana ny faniriako aho, izaho dia, ny faniriako amin'ny maha-olombelona fotsiny, dia ho naka ny basiko aho ary nandeha tany anaty ala ka nanorina trano bongo iray ho ahy, ary ho mpamandrika, amin'ny fiainako sisa. Miha-antitra aho, reraka, sasatra, ary trotraka, saingy tsy afa-miala aho. Misy zavatra ao anatiko ao, manorotoro. Lozako raha tsy miteny ny Fahamarinana aho ary ny Fahamarinana manontolo. Lozako raha tsy mitsangana eto aho mandra-pialan'ny fofon'aina faran'ny vatako amiko. Tsy maintsby mitsangana aho, tsy mampaninona izay lazain'ny olon-kafa. Tompon'andraikitra eo anatrehan'Andriamanitra aho.

<sup>187</sup> Ary mino marina aho fa ireo zavatra izay notoriantsika dia ny Fahamarinana. Tsy hoe satria izaho no nitory azy. Tsia, ry rahalahiko. Tsia, tompoko. Mahafantatra ny foko Andriamanitra. Toy ny ahoana no hitiavako hipetraka ato amin'ny fiangonana ka hihaino ny iray hafa voahosotra history teny. Ho mora toy ny ahoana izany amiko, izany tokoa satria banana ny Fiainana Mandrakizay tahaka an'ilay lehilahy eo amin'ny polipitra aho. Izaho dia ampahan'Izany mitovy aminy. Handeha any amin'ilay Lanitra iray ihany aho, banana an'ireo tombontsoa iray ihany. Ho mora toy ny ahoana ho ahy ny hipetraka eo ka tsy handray an'ireo ratra rehetra ireo, sy ireo kapoka, ka manohy. Ho mora toy ny ahoana izany, fa ho afaka ny alina manontolo tsy ahitan-tory, adiny iray sy sasany, na adiny roa; mifampitolona amin'ireo zavatra izay miseho ny alina manontolo. Ho mora toy ny ahoana ho ahy ny manao an'izany, mandray ny basiko ny ampitso maraina, ny haran-jonoko, ary mandeha manjono na mihaza! Ho mora toy ny ahoana izany! Rahalahy, izany no andraikitro. Enga anie Andriamanitra hanampy ahy tsy hanalavirako mihitsy ny toeran'andraikitro, fa hitsangana ho mahatoky sy marina, ary hamokatra ho anareo ny Fanatatavanan'ny lehilahy misaina iray izay hanome anareo ny tsiron'ny lehilahy masina iray.

<sup>188</sup> Ny Fanatatavanan'ny lehilahy misaina dia ireo rano, avy amin'ireo ranon'ny fampisarahana. Izany no fanadiovana ny fahotana, izay ny Tenin'Andriamanitra. Ary ny lehilahy

misaina, ny lehilahy izay mahafantatra fa tsy maintsy hitsangana eo anatrehan'Andriamanitra, dia mahafantatra fa tsy maintsy hamaly ny amin'ny Tenin'ny Baiboly rehetra izy, Izany no hahafa-po an'ilay tsiro izay ao am-ponareo. Enga anie Andriamanitra hanampy antsika handray an'Izany, raha manondrika ny lohantsika isika.

<sup>189</sup> Andriamanitra malala, ora iray hafa na roa no efa lasa. Efa nihetsika ilay famantaranandro ankehitriny. Miditra ao amin'ny tantara ilay Hafatra ankehitriny, ary voarakitra ao amin'ilay Boky Izany. Izahay rehetra ankehitriny dia tsy maintsy hamaly ny amin'izao, ny hetsika rehetra izay nataonay, ny teny rehetra izay nolazainay, ny eritreritra rehetra izay nandalo tao amin'ny sainay, mbola mihodina ny fandraisam-peo. Ary hitohy handeha izany mandra-pahatapitry ny fiainana, ary amin'izay fotoana izay dia hamaly izahay amin'ny Andron'ny Fitsarana.

<sup>190</sup> O Andriamanitra, ilay Mpamorona lehibe an'ny lanitra sy ny tany, Izay inoanay, mivavaka ho an'ity vahoakan'izao andro izao ity aho. Mivavaka ho an'ny tenako miaraka amin'izy ireo aho, mba ny Tompo Jesosy, mba Hihazonanao Ny Fanatatavananao. Ary raha milaza zavatra manimbazimba aho, Tompo, izaho...tao am-poko dia tsy fantatro ilay izy. Mivavaka aho raha diso ny fandraisako Ny Teninao ka nampiasa zavatra tahaka an'izany, dia mamele ahy Ianao ny amin'izany.

<sup>191</sup> Fa, Tompo, nieritreritra aho rehefa niteny tamiko Ianao tany anaty ala, Ianao no mahafantatra ny fotoana tamin'ilay maraina, tsy vitako mihitsy ny manala an'izany ato an-tsaiko. Nanaiky aho fa avy Taminao izany. Noho izany, Andriamanitra Ray, efa noteneniko ilay izy. Ary mivavaka aho, Andriamanitra, mba Hamelanao an'izany amin'ny fomba izay noheveriko fa haha-izy azy, hoe ny lehilahy misaina, ny lehilahy raha manana fisainana iray mihitsy, dia ho fantany fa tsy maintsy hitsangana ao amin'ny Fanatrehan'Andriamanitra izy, ka tsy hampiditra ao anatin'ny ainy ny zavatra rehetra izay manimba na mifanohitra amin'ny Tenin'Andriamanitra.

<sup>192</sup> Ary, Ray, fantatray fa, raha nampitaha an'izany tamin'ireto rafi-pandaminana an'izao andro izao ireto aho; tsy ny ho hafa, Tompo. Hitsara ahy Ianao, indray andro any, avy ao am-poko. Ary mivavaka aho, Andriamanitra, mba Hahitanao fa tsy ny ho hafa izany, fa ny mba ho marina izany, miezaka ny ho tso-po, mahafantatra fa mihazona an'izay novidian'Ny Rànao aho, isaky ny morontsiraka, izao ankehitriny izao, eto an-tànako. Ary maro tamin'izy ireo no nino an'ilay Tatitra.

<sup>193</sup> Ary, Andriamaniry ny Lanitra, enga anie tsy hisy anankiray amin'izy ireo ho very. Mitaky azy ireo aho, ny tsirairay avy, ary mihazona an'ilay Fanatatavanana ny fahotana eto anatrehan'izy ireo, ireo Ranon'ny fampisarahana, ny Ràn'i Jesosy Kristy, ilay Teny tonga nofo. Ekeo izany, Tompo. Ary enga anie ny Fanahy

Masina hiraraka eo amin'ny teny fikasana rehetra, hiditra ao amin'ny ainay. Ary enga anie izahay ho solontena velon'ny Ampakarin'i Jesosy Kristy, ao amin'ny andron'ny maso, an'ny fahitana ao amin'ny Hazavan'ny hariva, fa manolotra an'izany Amina amin'ny Anaran'i Jesosy Kristy izahay. Amena.

<sup>194</sup> Tianareo ve Izy? [Hoy ny fiangonana hoe, "Amena."—Mpand.] Mino an'Izany ve ianareo? ["Amena."] Izaho, raha niteny zavatra ratsy iray aho, tamin'ny filazana hoe, "fanatatavanan'ny lehilahy misaina," tsy afaka milaza mihoatra an'izany aho. Tsy manana fahaizana aho. Tsy maintsy milaza fotsiny an'izay tonga amiko aho. Ary rehefa nahita an'izany nipetraka teo aho, dia nieritreritra hoe, "Laharam-pihatsarambelatsihy iray toy ny inona!"

Dia nisy Zavatra anankiray nanao hoe, "Tahaka an'ilay fiangonana mihitsy."

<sup>195</sup> Ny fanatatavanan'ny lehilahy misaina iray! Oh, oadray! Mbola mihoatra noho izany aza. Ny lehilahy misaina iray dia tsy hampiasa an'izany mihitsy. Hitanareo? Tsia tokoa. Ary maniry ny tsiron'ny lehilahy mifoka iray izany, marina izany, satria tsy maintsy mahazo an'izany izy mba hahafa-po ny tsirony. Fa ny tena lehilahy iray, misaina izay mahafantatra fa handeha ho any amin'ny Fitsarana ny ainy, dia hanatatavana ny tsirony amin'ny Tenin'Andriamanitra. "Fa izay rehetra nomen'ny Ray Ahy no hanatona Ahy." Ary hivelona amin'ny Teny rehetra izay aloaky ny vavan'Andriamanitra izy, dia ireo Ranon'ny fampisarahana izay manasaraka antsika amin'ny fahotana. Satria, rehefa mandalo ao amin'ny Teny izany, dia hitantsika fa fahotana ny tsy mino an'Izany, noho izany mino an'Izany fotsiny isika ka manohy. Izany no fampisarahana iray amin'ny ota. Tianareo ve Izy? [Hoy ny fiangonana hoe, "Amena."—Mpand.]

Tiako Izy, tiako . . .

Ndao isika hanangana ny tànantsika Aminy fotsiny ankehitriny.

Satria nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>196</sup> Inona no Nolazainy? "Izao no hahafantar'an'ny olona rehetra fa Mpianatro ianareo, raha tia ianareo, raha mifankatia." Ankehitriny dia ndao isika handray ny tànan'ny olona iray raha mihira an'izany indray, ka hanao hoe, "Izaho dia tia anao, ihany koa, rahalahy."

Tiako Izy, izaho . . . (Izao dia mba hamela  
anareo hahafantatra fa . . .)  
. . . nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>197</sup> Ankehitriny, tianareo ve ny Fanatatavanana'ny lehilahy misaina iray? [Hoy ny fiangonana hoe, "Amena."—Mpand.] Raha mandeha eny an-dàlambe ianareo mifampikasokasoka amin'izao tontolo izao rahampitso, rahalahy, ranabavy, dia manana an'ilay Fanatatavanana'ny lehilahy misaina ve ianareo? Rehefa miantsio anareo ho holy-roller iray izany olona izany, hampiasa ny Fanatatavanana'ny lehilahy misaina iray ve ianareo? Rehefa milaza zavatra ratsy manohitra anareo ny olona iray, manana ny Fanatatavanana'ny lehilahy misaina iray ve ianareo? Hitanareo, valio soa ny ratsy. Mivavaha ho an'izay manao tsinontsinona anareo, sy ireo izay manenjika anareo, amin'izay fotoana izay dia misintonia avy eo amin'ilay Fanatatavanana'ny lehilahy misaina ianareo.

<sup>198</sup> Fa raha izay tia anareo fotsiny no tianareo, raha nandray ny tànan'ny iray hafa isika, toy ny malala indrindra ao amin'ny Tompo, dia tsara izany, saingy afaka mitia an'ilay tsy azo tiavina ihany koa ve ianareo? Izany ilay Fanatatavanana'ny lehilahy misaina. Izany no Fanahin'i Kristy ao aminareo, tia an'ilay tsy tia anareo, amin'izay fotoana izay dia azonareo ny valisoa avy amin'Andriamanitra. Fa, ankehitriny, raha manao an'izany ho andraikitra iray ianareo, dia tsy mbola manana foana an'ilay lehilahy misaina ianareo... Eo amin'ilay faribolana faharoa fotsiny ihany ianareo. Fa ilay izy dia avy ao amin'ny fonareo no tena itiavanareo azy, amin'izay fotoana izay dia misintonia avy ao amin'ilay Fanatatavanana'ny lehilahy misaina ianareo. Ary Izany no mahafa-po ny tsiron'ny lehilahy masina iray, dia ho fantatrareo, avy ao am-ponareo fa mamela ny olona rehetra ianareo, ny zavatra rehetra, tsy mampaninona izay niseho. Tsy mahafinaritra ve Izy?

...nitia ahy mialoha  
Ka nividy ny famonjeko  
Teo amin'ny hazon'i Kalvary.

Handeha ao amin'ny Hazavana isika,  
Hazavana mahafinaritra Izany,  
Izany dia tonga eo amin'izay  
amirapiratan'ireo andon'ny famindrampo;  
Mamiratra manodidina antsika rehetra andro  
aman'alina,  
Jesosy, ilay Hazavan'izao tontolo izao.

Handeha ao amin'io Hazavana io isika, tena  
Hazavana mahafinaritra Izany;  
Ary Izany dia tonga eo amin'izay  
amirapiratan'ireo andro voatatavana;  
Oh, mamiratra manodidina antsika rehetra  
andro aman'alina,  
Jesosy, ilay Hazavan'izao tontolo izao.

Avia, ianareo rehetra masin'ny Hazavana,  
milazà,  
Jesosy, ilay Hazavan'izao tontolo izao;  
Amin'izay fotoana izay dia haneno ireo  
lakolosin'ny Lanitra,  
Jesosy, ilay Hazavan'izao tontolo izao.

Oh, handeha ao amin'ny Hazavana isika, tena  
Hazavana mahafinaritra Izany;  
Izany dia tonga eo amin'izay  
amirapiratan'ireo andon'ny famindrampo;  
Oh, mamiratra manodidina antsika rehetra  
andro aman'alina,  
Jesosy, ilay Hazavan'izao tontolo izao.

Tianareo ve izany? [Hoy ny fiangonana hoe,  
“Amena.”—Mpand.]

Oh, handeha ao amin'io Hazavana io isika,  
tena Hazavana mahafinaritra Izany;  
Ary Izany dia tonga eo amin'izay  
amirapiratan'ireo andon'ny famindrampo;  
Mamiratra manodidina antsika rehetra andro  
aman'alina,  
Izany no Jesosy, ilay Hazavan'izao tontolo  
izao.

Tiako mihitsy izany!

Ny finoako mijery Anao,  
Ianao Zanak'ondrin'i Kalvary,  
O Mpamonjy Masina;  
Ankehitriny henoy aho raha mivavaka,  
Esory ny fahotako rehetra... (Tatavano aho,  
Tompo, amin'ny alàlan'ny Teny.)  
O avelao aho manomboka amin'ity andro ity  
Ho Anao manontolo!

Eritrereto fotsiny izany, voatatavana amin'ny alàlan'ny  
Teny, “Anao manontolo.”

Raha manitsaka ny safotofoto maizin'ny  
fiainana aho,  
Ka mandrakotra manodidina ahy ireo  
alahelo,  
Aoka Ianao no Mpitari-dàlako;  
Baikoy ireo aizina hivadika ho andro,  
Fohano ireo tahotry ny alahelo,  
Aza mamela ahy ho very lâlana intsony  
Lavity ny misy Anao.

[Manomboka misamonomonona *Ny Finoako Miandranda*  
*Anao Rahalahy Branham*—Mpand.]

...amin'ny foko reraka,  
 Mihetsika ny hafanam-poko;  
 O baikoy ireo aizina hivadika ho andro,  
 Ka fafao ireo ranomason'alahelo,  
 O avelao aho manomboka amin'ity andro ity  
 Ho Anao manontolo!

<sup>199</sup> Andriamanitra malala, tianay ny mihira ho Anao, satria ao amin'izany no anehoanay ny fihetseham-ponay, ny fientanam-ponay, ny fiangonana manontolo, raha misintona eo aminay ny Tenin'ny Fiainana Ianao. Tena mankasitraka izahay, Tompo. Ary izany hira izany, raiso izahay, Sitrakao ve, Tompo? Izany no fanirianay, dia ny ho voatatavana amin'ny alalan'ny Tenin'Andriamanitra, mandeha isan'andro ao amin'ny Hazavana, ilay Hazavan'ny Filazantsara.

Ary fenoy fitiavana isan'andro ny lalantsika,  
 Raha mandeha miaraka amin'ilay  
 Voromailalan'ny Lanitra isika;  
 Ndao isika handeha hatrany foana, miaraka  
 amin'ny hira iray sy tsiky iray,  
 Fenoy fitiavana isan'andro ny lalantsika.

<sup>200</sup> Ekeo izany, Tompo. Tahio miaraka izahay ankehitriny. Aoka ny Fahasoavano sy ny famindramponao ho aminay. Sitrano ny marary sy ny ory manerana ny firenena.

<sup>201</sup> Misaotra Anao izahay ny amin-dRahalahy Coggins izao hariva izao, fa Ianao no namela azy hiala ny hopitaly, mba hody any an-trano sitrana. Misaotra Anao ny amin'ireo zavatra rehetra izay Nataonao, sy ny amin'ny herinay manokana izay tsapanay fa miakatra ankehitriny.

<sup>202</sup> Misaotra Anao izahay ny amin'ny Hafatra kely tapatapaka izao hariva izao, Tompo. Izaho—izaho tsy nahavita azy tsara, saingy mivavaka aho, Tompo, mba Ianao no hanao azy tsara ao amin'ny fahitan'ny olona, mba hahafahan'izy ireo hahita sy hahafantatra hoe ho an'ny inona no dikan'izany. Raiso ny voninahitra avy amin'izany, Tompo, ary enga anie izahay hanana an'izany fahazoana izany, raha tsy misy na inona na inona hafa, hoe tsy maintsy mivelona amin'ilay Mofon'ny Tenin'Andriamanitra izahay, voatatavana avy amin'Andriamanitra ho an'ireo Zanany fotsiny ihany. Fiangonana iray voasaraka izany. Izany dia tsy ho an'ny olon-kafa iray. Izany dia ho an'ireo ihany, ireo Nofidiana, tahaka an'ireo ranon'ny fampisarahan'ilay vatotr'ombivavy mena izay ho an'ny fiangonan'ny Isiraelly irery ihany. Noho izany, Ray, dia fantatray fa ho an'ny Ondry irery ihany ilay Mofo.

“Tsy mety raha maka ny mofon'ankizy Aho ka manipy an'izany ho an'ny alika,” hoy Jesosy.

Ary ilay vehivavy, ho valiny, dia nanao hoe, “Eny, Tompo, marina izany, saingy manaiky ny haka an'ireo potipotiny aho.”

Ary mahatsapa ho tahak'izany izahay izao hariva izao, Tompo. Tianay izay rehetra Azonao omena anay, Ray, satria noana sy mangetaheta betsaka ny Aminao izahay.

<sup>203</sup> Ekeo mba ho fenoina ireo hanoananay ary ny fanirianay mba ho ampahafantarina, satria, Ray, te-hanana ny fanirian'ny lehilahy marina iray izahay. Ary ilay Lehilahy marina dia Jesosy Kristy, ka ny Faniriany dia ny hanao ny sitrapon'ny Ray, izay ny Teny. Ekeo ho anay izany, Ray. Mangataka an'izany amin'Ny Anarany izahay. Amena.

Ndao isika hitsangana raha mihira ny hira firavantsika, hoe, *Raiso Eo Aminao Ny Anaran'I Jesosy*.

<sup>204</sup> Manerana an'ireo toerana any ivelany ankehitriny, izay nandehanan'ny Hafatra izao hariva izao, enga anie Andriamanitra homba anareo ankehitriny raha mirava amin'ny vavaka isika. Enga anie ny tsirairay avy aminareo, any ivelany any, manantena aho fa faly tena faly ianareo teo am-pihainoana tahaka ny nitondrako an'Izany taminareo. Ary matoky aho fa Andriamanitra no hametraka an'Izany ao am-ponareo ka hanome anareo ny fandikana marina an'izany.

<sup>205</sup> Ary ianareo vahoaka eto amin'ny mpanatrika izay nametraka an'ireto mosara eto ireto, dia efa nametraka ny tànako teo amin'izy ireo aho. Mivavaka aho mba hanasitranan'Andriamanitra ny tsirairay avy aminareo, mba tsy hisy olona iray marary intsony eo anivontsika, mba hahitanareo hoe ahoana fa mamaly vavaka ny Andriamanitsika.

<sup>206</sup> Rehefa miangona miaraka isika, "Raha ny olona izay nantsoina tamin'Ny Anarako no hanangona ny tenany miaraka ka hivavaka, amin'izay fotoana izay dia hihaino any An-danitra Aho." Izy no nampanantena fa hanao an'izany.

<sup>207</sup> Noho izany, tsy misaraka isika. Olona anankiray fotsiny isika; iray isika rehetra, ao amin'i Kristy Jesosy. Ary ny tsirairay avy mivavaka ho an'ny tsirairay avy; ianareo mivavaka ho ahy tahaka ny hivavahako ho anareo. Ary Andriamanitra hitahy anareo mandra-pahitanay anareo indray.

<sup>208</sup> Ary matoky aho fa ianareo tsy an-kitsahatra dia ho... ianareo izay mipetraka eto akaiky eto, dia ho avy eto amin'ny tabernakla ka hitsidika eto miaraka amin'ny pasitera tsara antsika, Rahalahy Neville. Hanao anareo ho tsara izy, Rahalahy Mann sy ny vahoaka mahafinaritra izay ananan'izy ireo eto amin'ny tabernakla.

<sup>209</sup> Raha any akaikin'i Rahalahy Junior Jackson no misy anareo na ny sasany amin'ireo izay manerana ny firenena, New York sy ireo toerana samihafa izay anaovan'izy ireo fivoriana, manodidina an'i Arizona sy California, tsidiho ireo fiangonana ireo raha any no misy anareo. Mivavaka izahay mba hiverenanareo indray ary hamela ny pasitera hanampy anareo mba hahafantatra bebe kokoa ny amin'ny Tompo Jesosy.

<sup>210</sup> Andriamanitra hitahy anareo ankehitriny raha mihira isika ny *Raiso Eo Aminao Ny Anaran'I Jesosy*.

...eo aminao ny Anaran'i Jesosy,  
Ry zanaky ny alahelo sy fahoriane;  
Hanome anao fifaliana sy fiononana Izany,

(Inona no hataonao...? Izy no hametraka anao eo amin'ny...?)

...alehanao.

Anarana sarobidy (Anarana sarobidy), O tena mamy! (O tena mamy!)  
Fanantenan'ny tany sy fifalian'ny Lanitra;  
Anarana sarobidy, O tena mamy!  
Fanantenan'ny tany sy fifalian'ny Lanitra.

<sup>211</sup> Eo am-pijerena ny fiangonana izao hariva izao, dia hitako Rahalahy Estle Beeler iry aoriana iry, Rahalahy Palmer, sy maro, Rahalahy J. T., ary maro be amin'ireo mpitoriteny izay mitsangana manodidina eto, tsy afaka miantso ny anaran'izy ireo aho. Maniry aho ny hanana anareo, ny tsirairay avy, hiakatra eto, ary ianareo rehetra mba hampirava ny fiangonana na hanao zavatra anankiray. Azonareo, sa tsy izany? Fantatro fa manana fo Kristiana ianareo ary mahafantatra fa isika dia tsy maintsy...ahoana isika—ahoana isika; Olona anankiray isika rehetra miaraka, ao amin'i Kristy Jesosy.

<sup>212</sup> Ankehitriny ndao isika hahatsiaro an'ity andininy manaraka ity raha mihira an'izany, raha hampirava antsika amin'ny vavaka ny Rahalahintsika Martin eto. Ary tiako ny...Izy no Rahalahy Earl Martin avy any, mino aho, avy any Arkansas na—na Missouri. [Hoy Rahalahy Earl Martin hoe, "Missouri."—Mpand.] Missouri, eo ambonin'i Arkansas mihitsy, any amin'ny sisin-tanin'i Missouri. Manana fiangonana iray izy ireo any.

<sup>213</sup> Ary voamariko ilay rahalahy hafa avy any, tsy afaka mieritreritra ny anarany aho, Brewer. Teto izy aninkeo maraina. Ataoko fa mbola eto izy izao hariva izao. Hia, mahita azy mitsangana eto aho, Rahalahy Brewer. Nampanantena aho ny handalo ka hanokana ny fiangonan'izy ireo, tena imbetsaka. Ho avy any aho indray andro any, noho ny fanampian'ny Tompo, arak'izay vitako.

Ankehitriny, raha mihira an'ity andininy manaraka ity isika ankehitriny.

Amin'ny Anaran'i Jesosy no iondrehana,  
Lavo miankohoka eo an-Tongony,  
Hosalorantsika Mpanjakan'ny mpanjaka any  
An-danitra Izy,  
Rehefa tapitra ny diantsika.

Ndao isika hihira an'izany ankehitriny.

Amin'ny Anaran'i Jesosy no iondrehana,  
Lavo miankohoka eo an-Tongony,  
Hosalorantsika Mpanjakan'ny mpanjaka any  
An-danitra Izzy,  
Rehefa tapitra ny diantsika.

Anarana sarobidy (Anarana sarobidy), O tena  
mamy! (O tena mamy!)

Fanantenan'ny tany sy fifalian'ny Lanitra;

Anarana sarobidy, O tena mamy!

Fanantenan'ny tany sy fifalian'ny Lanitra.

Oh, raiso eo aminao ny Anaran'i Jesosy,  
Ho ampinga amin'ny fandrika rehetra; (henoy  
ankehitriny)

Oh, raha miangona manodidina anao ny  
fakam-panahy, (inona no tsy maintsy  
ataonareo?)

Bitsiho am-bavaka fotsiny io Anarana masina  
io.

Anarana sarobidy, O tena mamy!

Fanantenan'ny tany sy fifalian'ny Lanitra;

Anarana sarobidy, O tena mamy!

Fanantenan'ny tany sy fifalian'ny Lanitra.

Ndao isika hanondrika ny lohantsika.

O Anarana sarobidy, O tena mamy!

Fanantenan'ny tany sy fifalian'ny Lanitra;

Anarana sarobidy (vita batisa tao amin'Izany;  
mivavaka ao amin'Izany), O tena mamy!

Fanantenan'ny tany sy fifalian'ny Lanitra.

Rahalahy Martin. [Mivavaka Rahalahy Martin—Mpand.] 

*NY FANATATAVANAN'NY LEHILAHY MISAINA IRAY MAG65-0822E*  
(A Thinking Man's Filter)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 22 Aogositra, 1965, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)